


弘簡錄




漢書門			
二二七	九〇	八〇	
號	函	冊	架

內閣文庫			
二二七	九〇	八〇	
號	冊	函	架

內閣文庫	
番號	漢 2227
冊數	80 (41)
函號	285 79

四十一



明刑部員外郎仁和弘齋邵經邦學

皇清翰林院侍講學士四世孫遠平校閱

燕官 宋六之二

淺草文庫

李穀

李濤

孫仲容

高防

吳廷祚

子元輔元載

趙贊

張藏英

孫鑑

劉載

程羽

張錫

馮瓚

邊翊

王明

許仲

喬維岳

楊克讓

子希閔孫日巖

段思恭

孔承恭

侯陟

魏丕

舒元

子知雄等

王管卿

郭廷謂

子延溶延澤

吳虔裕


劉福

張保續

侯贊

石職

李穀字惟珍其祖父咸居洛經巢亂田廬蕩盡徙居潁州汝陰穀長八尺容貌魁偉勇力善射以任俠為事頗為鄉人所困



發憤從學一覽如宿習登進士連辟華秦二州從事歷晉漢周
爲開府儀同三司封趙國公既貴訪得舊址復求歸洛周祖詔
改所居鄉爲賢相鄉里爲勲德里爲人厚重剛毅深沉有城府
雅善談論預知耶律德光必死每議政事辭氣明暢人主爲之
聳聽人有難必救有恩必報護聖扣排白再榮利李崧和凝家
財已奪其貲復欲殺之以滅口穀力止之喜汲引寒士有劉德
輿者饒材幹署爲中牟主簿後至位穀素與韓熙載交厚各
有所志熙載嘗言若江東相我我當長驅以定中原穀笑曰若
中原相我下江南探囊中物耳周祖聞其名倚以爲相世宗伐
淮南令范質王溥就穀謀穀手疏祝征有必勝之利者三卒如
所料李昉被病在淮求歸穀視之曰子他日官爵祿秩當如我
後果至司空扈載以文章名穀言其命溥慮不克享未幾卒值

革命遣人就賜衣帶器幣昭我李筠遺錢五十萬他物稱
是穀受之坐是憂恚而卒年五十八贈侍中子吉至補闕拱太
子中允

李濤字信臣本唐敬宗子郇王瑋十一世孫祖鎮臨濮令父元
將作監丞朱梁革命懼禍避地湖南依馬殷從兄郁仕梁爲閤
門使言于朝詔歸京師補濤河陽令後唐天成初登甲科拜監
察御史遷右補闕入爲起居舍人晉天福初改考功員外郎史
館修撰至翰林學士拜侍郎同平章事張彥澤入京濤自度不
免往見爲俚語云自投死彥澤笑而釋之周初起爲太子賓客
歷刑戶二部尚書宋初拜兵部尚書卒年六十四贈右僕射生
平慷慨有大志以經綸爲己任工爲詩筆札適媚性滑稽善諧
謔未嘗忤物居家以孝友聞子承休水部郎中孫仲容字儀

父登甲科除大理評事知三原縣擢監察御史殿試考官真宗問題義對稱旨詔試中書擢左司諫直史館天聖中為起居郎知制誥累遷右諫議大夫翰林侍讀學士兼龍圖閣學士終戶部侍郎性醇易不與物忤對人言未嘗及勢利弟惟勤景德三年詣闕詔授許州司士參軍早卒仲容字諸孤如已子世稱長者然於吏事非其所長自集制為冠鳳集十二卷

高防字脩已并州壽陽人累世將家父從慶戍天井關與梁軍戰死防年十六護柩歸事母孝好學善為詩張從恩留守北京奏為判官性謹厚守禮從恩益重之為授國子監丞召拜殿中丞充鹽鐵推官復為從恩鄆晉潞三州判官及契丹入汴晉主北行從恩欲歸欵防為陳逆順大義固守臣節不從漢祖召防赴太原加金部郎中為浚儀令田田改令開封遷本府少尹

世宗尹京即為判官太祖還自陳橋以防家為里長所略詔賜綾絹衣服衾裯鞍馬征李筠為潞州東北路計度轉運使筠平拜尚書左丞賜銀器綵帛鞍馬建隆二年出知秦州州境與夏人雜罔知教養防至則齊之以刑舊俗稍革西北夕陽鎮古伏羗縣地多產材木夏人利之防議建採造務闢地數百里築堡要地自渭而北與彼自渭而南歸我募卒守之歲獲巨木萬章夏部會長尚波于等率諸族千餘人涉渭奪木殺役兵防出與戰俘四十七人以獻太祖慮擾邊郡詔諭酋帥所獲之俘賜而遣之罷採木之役命吳廷祚代歸為樞密直學士復知鳳翔府卒年五十九太祖悼惜錄示延緒為太府寺丞

吳廷祚字慶之太原人事周祖為親校歷莊宅副使內軍器庫皇城二使知懷鄆二州世宗遷右羽林衛將軍充客省宣徽北

院二使判河南府歷東西二京留守時汴河屢決督丁壯塞之
增築堤防自京城至臨淮數千里又決鄭州原武縣患亦隨止
還授左驍衛上將軍檢校太傅充樞密使宋初加同中書門下
三品仍兼樞使議征李筠延祚言潞城岳險且阻太行恐未易
破筠素勇輕敵若速擊之使離上黨來邀我戰猶獸亡其藪魚
脫於淵因可擒矣太祖定議親征命為留守兼判開封征李重
進又為留守時掌樞務有年帝欲均勞逸建隆三年擢雄武軍
節度使賫詔赦尚波子等夏人感悅以伏羌地來獻乾德二年
改鎮京兆開寶四年長春節來朝遇疾車駕臨問卒年五十四
贈侍中為人謹厚寡言性至孝居母喪絕水漿累日兼好學聚
書萬卷治家嚴肅六子元範元慶皆禮賓副使元吉閤門祇候
元輔字正臣好學善筆札以蔭補供奉官宋初授左驍衛將

軍澶州巡檢使累官定州鈐轄卒年四十八 元載建隆初授

春坊通事舍人賜緋魚袋從父鎮秦雍補衙門都校加閤門祇
候與母賓古使契丹擢西上閤門副使出知陝州徙秦州捕民
李益伏法遷閤門使領富州刺史改知成都王小波亂棄城坐
責郢州團練使移單州以疾授左衛將軍致仕卒年五十三子
昭德昭遜昭普並閤門祇候昭明守仁內殿崇班昭允昭矩太
子中舍元辰尚公主

趙贊字元輔祖德鈞父延壽皆見遼記贊幼聰慧七歲能誦書
後唐明宗愛之與諸子外孫數十並育于六宅稱為令器贊舉
神童詔以都尉之子太尉之孫克彰庭訓特賜及第仍附禮部
春榜久之延壽奏署牙職值晉祖起延壽將忠武兵屯上黨德
鈞將盧龍軍來會父子俱降晉契丹銅之北去贊獨與母留西

洛天福三年晉祖仍命奉母歸薊門契丹署贊金吾將軍數年延壽節度范陽將謀南侵委之以攻及平原陷贊復爲河中節度使未幾漢祖起奉表勸進加檢校太尉仍鎮河中尋改京兆尹復鎮晉昌軍懼漢疑已潛謀歸蜀判官李恕諫止卽遣恕詣闕申理乞哀求覲漢祖納之入朝命爲左驍衛上將軍仕周歷左右羽林左龍武三統軍世宗南征初遣巡警壽州城外歸京留諸將分兵圍壽春贊獨當東面諸將戰不利贊能持重白秋涉冬未嘗挫衄及再征壽春命副韓令坤造橋渦口以通濠泗移兵趣濠贊親督力戰拔其羊馬城刺史唐景思死焉團練郭延以城降詔書褒美淮南平以功授保信軍節度使視事之口盡去苛政務從寬簡居民便之恭帝加開府階宋初移忠正軍檢校太師預平維揚改鎮延州許以便宜行事乃分置步騎前後不絕羌渾來迎者望見旌旗綿屬無不懾服開寶元年移延雄軍征太原以爲邠州路部署討晉陽爲河東道行營前軍馬步都虞候車駕薄城并人自突門潛犯贊壘贊率衆擊之弩矢貫足勞問數四賜以良藥又改鎮邠州太宗時進封衛國公卒年五十五贈侍中贊容止閑雅接士大夫以禮馭衆有方略爲政雖無異跡而吏民畏服亦近代之賢帥也

張藏英范陽人唐相嘉貞後唐末舉族爲賊孫居道所害藏英年十七僅以身免後逢居道於幽州市引佩刀刺之不死爲吏所執節帥趙德鈞壯之釋而不問以補牙職聞居道道關南求爲都巡檢使至則微服携鐵樞潛匿舍側伺居道出擊仆於地先齧其耳喉之擒以歸設父母位縛居道筵前號泣鞭之縛其肉三日剝心以祭徐詣官首服諒免死燕薊間目爲報仇張孝

子契丹聞其名用爲盧臺軍使兼制置權鹽領坊州刺史廣順三年幸內外親屬并所部兵及煮鹽戶泛海至滄州刺史李暉以聞周祖未卽納令館于封禪寺賜襲衣銀帶錢絹器幣鞍馬世宗授德州刺史召對便殿詢以備邊之策請於深州李晏口置砦誘境上亡命以隸軍願爲主將得便宜討擊詔從之除緣邊招收都指揮使賜名馬金帶令募勁兵數千築城李晏口會鳳翔王彥超巡邊爲契丹所圍卽率新募兵馳往擊之契丹解去改濮州刺史宋初遷瀛州團練使并護關南軍建隆三年卒於治所年六十九子裔蔭補供奉官孫鑑字德明幼嘗學登進士官大理評事監秦州柴墟榷務升右贊善大夫知婺州遷著作郎監察御史決獄江左頗雪冤滯歷殿中侍御史太宗討幽州極言不可時以燕人沮議非之後果驗命掌左藏判三司度支請併三部憑由催欠爲一從之李惟清薦其能擢江寧府運使建議割瑞州清江吉州新淦袁州新喻三縣置臨江軍時以爲便召還特被慰獎累遷樞密直學士掌三班詔磨勘供奉官以下校其殿最以爲沮勸會三司奏分左右計鑑以爲非便尋詔復舊張詠密奏王繼恩討蜀治軍無政遣鑑與作坊使馮守規往訊鑑言益部新復軍旅不和若驟聞使命慮猜懼變生不測請假臣安撫之名上稱善至卽遣戍卒出境令麾下使臣東還督繼恩分部殘寇招輯反側事平拜左諫議大夫久之五路進兵討西夏令乘傳往環州與李繼隆議護送芻糧入靈州詔以軍法從事饋運頗集還言關輔民窮力盡靈州僻居絕塞實中夏蠹區願陛下以賜繼遷稍息飛輓之役無使重勞真宗遷給事中工部侍郎出知廣州羣蠻數擾鑑召酋豪諭以威信

皆俯伏聽命民條其政績上請刻石溪洞移知朗州徙相州有
芝草生于監牧之室鑑表其祥以為河朔弭兵欵附之兆優詔
召之景德初卒年五十八子士廉為殿中丞士宗太子洗馬士
成屯田員外郎

劉載字德興范陽人六世祖濟唐盧龍節度使父昭下蔡令載
登後唐清泰進士初歷校書郎著作佐郎賜緋由左拾遺拜
集賢殿直學士漢初為殿中丞待御史內艱服闋判西京留臺
改倉部員外郎嘗製為君為相為將去讒納諫五論頗為文士
所稱世宗初擢知制誥顯德三年拜右諫議大夫與拾遺鄭起
博士李寧同校道書遷給事中使許州定田租賜金紫為魏王
符彥卿加恩使宋初命護役浚五丈河自陳橋達曹州之西境
建隆四年貝州節度張光翰來朝命權知州事還知貢舉乾德

初掌建安權貨務六年為江南國主生辰使詔還命知鎮州坐
與何繼筠不協改山南東道行軍司馬十年不召嘗受詔權點
檢州事太平興國初復入為給事中三年出知襄州六年代還
告老改工部侍郎致仕卒年七十一平生敦尚名節好學博通
史傳善屬文嘗受詔撰明憲皇后諡冊文又作甲戰國賦萬餘
言行於世子宗言賜出身至此部郎中宗望景德二年進士及
第祥符四年其孫介上載文集以試將作主簿

程羽字冲遠深州陸澤人少好學能屬文登晉天福進士授陽
穀簿歷虞鄉醴泉新都三縣令皆有政績開寶中遷為兩使判
官入對太祖詢以時事對稱旨擢著作郎出知興州改知興元
府歸闕以本官判開封性淳厚蒞事恪謹太宗尹京待以長者
卽位為三司使轉給事中知開封未幾出知成都為政寬簡蜀

人便之入拜禮部侍郎上欲優以清職以爲文明殿學士卽泰寧坊營第以賜太平興國五年典試貢士得人若多六年拜兵部侍郎致仕卒年七十二贈禮部尚書子希振以蔭至虞部員外郎

張錫閩縣人梁末棣州刺史劉君鐸辟爲軍事判官棣爲郟之屬郟有趨務郟帥主以牙將頗橫恣民有趨三斤欲寘于死君鐸不能救旣而牙將私造事覺錫判曰趨犯三斤求生不克麥盜百斛免死誠難遂寘牙將于法同光末權知州事趨在禮友瀕河諸州多構亂錫卽出省錢賞軍皆大悅一郡獨全棣人賴之後爲淄川令不畏強禦專務愛民刺史有所徵不荅頗以爲怨及代白其事於宰相馮道知錫介直奏擢監察御史出爲陝虢觀察判官晉開運二年拜右補闕歷遷司門駕部二郎中並

以清節聞周顯德中以老疾授右諫議大夫致仕初改給事中范質嘗兄事之館於別墅以執政之門不欲久處往依鄉人鄧州觀察判官黃保緒建隆二年六月卒于穰下

馮瓚字禮臣歷城人父知兆後唐司農卿蔭補校書郎爲諸城令歲滿授右贊善大夫性便佞任數務巧進漢初改監察御史周遷殿中侍御史宋初轉兵部郎中加金紫太祖見其風神俊爽善談論有吏材甚寵任之擢左諫議大夫知舒州蠲菰蒲魚鱉之稅徙知廬州時劾外初平除樞密直學士知梓州蜀校上官進率亡命掠民攻城瓚度烏合之衆必無固志持重以待城中止有雲騎兵三百令分守城門自坐城樓密令促其更籌夜尚未分輒擊五鼓賊聞悉遁去因縱兵追擒斬於市餘黨誘遣之境內獲安太祖言瓚有奇材嘗欲用瓚爲趙普所忌陰伺其

過坐以金帶珍玩賂晉府劉焄乃削籍流配海島凡十年開寶末赦還太宗卽位授左贊善大夫時以帑藏充溢命分左藏庫爲三令與員外賈黃中補闕程能分掌之賜金紫尋改度支判官親往太原以判隨駕三司凱旋改大理卿兼判祕書省以足疾致仕卒年六十七子克忠至內殿崇班閣門祇候

邊翊字待價華州鄭人曾祖頤石泉令祖操下邳令父蔚太常卿翊晉天福進士官祕書郎直洪文館入漢爲右拾遺加朝散大夫卽遷右補闕轉起居舍人改庫部員外郎知通州宋初令詣衛州視秋稼掌京師倉庾建隆二年爲洛陽令兄玘以吏部員外郎爲河南令兄弟迭尹赤縣時人榮之乾德初召爲倉部郎中蜀下知三泉縣開寶初遷職方郎中監京兆麴務掌永安軍權貨務奏徙務揚州有富民以私憾訴廣陵尉謝圖詔翊案

鞫得實反坐就命權攝州事兼掌酒稅鹽務母憂起復知州

事征江表兼領淮南轉運使金陵平知江北諸州轉運事太宗遷吏部郎中賜金紫移廣南轉運使桂州守張頌維州人也病卒僕從分匿家財翊召官吏追取歸其孥柩有郡守與護軍忿隙翊奏令易地不致之罪太平興國五年代歸拜右諫議大夫領吏部選事七年移知開封卒年六十三翊精力有吏材帝方欲倚用歎惜數四賻錢絹玘至金部郎中弟玘右贊善大夫從子倣殿中丞倚比部員外郎俊尉氏主簿

王明字如晦大名成安人應舉不第原州刺史藥元福辟爲從事及領陳州防禦事多咨明旣又奏著建雄軍節度掌書記賜緋魚後移鎮陝元福恃功驕恣明數以直諫忤其左右因謝去詣闕上書求任州縣歷清平鄆城二令宋初佐高繼冲幕復掌

武寧軍書記乾德初詔近臣舉清白有吏幹者給事中馬士元
薦名爲左拾遺蜀平選知榮州代歸遷右補闕征嶺南爲荆湖
轉運使開寶間復爲隨軍轉運嶺南山路險絕舟車不通明但
以丁壯轉遞供億不闕每下一城必先收簿書守倉庫旣而賀
州未下明謂當急攻之恐援兵至則勝負未可知諸將頗猶豫
明乃擐甲胄率所部護送卒百人擁丁夫數千荷畚鍤溝塞
塹直抵城門城中懼開門納款遂據有之因抵廣州賊衆十餘
萬拒戰是夕大風發屋折木明獻計選丁壯人持二炬間道先
擣賊壘大軍蓐食以待俄頃萬炬皆發焚其外柵賊驚犯大軍
因逆擊之斬首數萬銀以城降捷聞上嘉其功擢祕書少監領
韶州刺史仍充轉運徧歷部內視民疾苦奏除無名科歛代歸
太祖召見勞問賜襲衣金帶鞍馬復以爲黃州刺史密授成算

令完葺城壘訓練士卒無何王師自荆沿順下以爲他岳江
巡檢戰權都部署破鄂州軍萬餘斬首三百級殺江南之
拔樊山砦又破江州軍獲船十餘艘收湖口軍奪戰艦五百
南唐將朱令贇領衆將焚采石浮梁帝恐金陵圍解亟令率所
部舟師屯獨樹口密樹長木於洲浦間若帆檣狀令贇望見果
疑大軍襲其後逗撓不敢進明移徽諸軍相爲犄角至小孤山
合勢大破之擒令贇卒大半皆赴水死金陵平詔明安撫諸郡
擢知洪州太宗卽位兼領江南諸路轉運使召爲右諫議大夫
充三司副使判鹽鐵事遷給事中雍熙四年改光州刺史移并
州代還進禮部侍郎契丹擾邊出知真定府淳化初歸闕卒年
七十三子挺扶並進士及第挺至殿中侍御史扶直集賢院工
部員外郎任轉運皆知名景德初錄幼子揆爲光祿寺簿至殿

中丞祥符八年錄孫師顏為三班借職

許仲宣字希榮青州人漢乾祐進士周顯德初授濟陰主簿考
功員外郎張又薦為淄州團練判官宋初赴調引對便殿氣貌
雄偉太祖悅之擢太子中允知北海軍既至度其山川形勢地
理廣袤可為州郡畫圖上之升為濰州朝議建牧馬監令行視
頗得善地從征并州掌給納四十餘州資糧悉能集事帝知其
彊幹擢為荆南轉運還兼南面隨軍轉運兵數十萬供饋無闕
錄功拜刑部郎中拜殿學士未幾出知永興軍太宗驛召
赴闕轉兵部郎中賜金紫授西川轉運使屬西南彝寇邊仲宣親
至大渡河諭以逆順威福彝人率服有言其江表時乾沒官錢
召還御史鈞校無有欺隱改廣南轉運使會征交州大將孫全
興等失律奏罷其兵不待報即以兵分屯諸州開庫賞賜草檄

書以諭交州待其款附然後上章待罪帝嘉之南郊遷吏部郎
陞右諫議大夫未幾權度支出知廣州移江陵河南遷給事中
卒年六十一仲宣性寬恕侷儻犯而不校有心計造次不撓時
以為難子待用國子博士待問及第至殿中丞待旦北部員外
郎待用子巨源亦登進士

喬維岳字伯周陳州南頓人治三傳周顯德初登第授太湖簿
遷平輿令開寶中薦為太子中舍知高郵軍通判揚常昇三州
改殿中丞太平興國初徙襄州丁內艱值陳洪進子文顯領泉
州留後朝議擇能臣關掌邵事起為泉州通判會仙遊盜起率
眾數萬來攻城中兵裁三千勢甚危急監軍何承矩王文寶欲
屠其民燔府庫而遁維岳抗議以為朝廷寄以綏遠今惠澤未
布盜賊連結反欲屠城豈詔意哉承矩等因共堅守既而楊克

讓宰相州兵破賊圍遂解詔褒之代歸為淮南運副遷右補闕
進運使淮河西三十里山陽灣水勢湍悍運舟多覆詔維岳規
度開故沙河至淮陰磨盤口四十里北至淮滌凡五堰又荆三
斗門于第三堰二門相距踰五十步覆以厦屋設懸門積水俟
潮平泄之建橫橋岸上築土累石以固其址自是往來無滯按
部泗州有囚死罪逮獄其母年八十餘維岳哀而釋之坐贖金
罷使職權知楚州遷戶部員外郎度支判官轉郎中復為兩浙
轉運使歷知懷滄二州真宗尹京召為開封推官儲闈建兼左
諭德轉太常少卿及踐祚命權知開封拜給事中知審官院以
體肥艱於拜趨乞外授海州刺史移蘇壽二州卒年七十六贈
兵部侍郎錄孫世昌獻之並同學究出身維岳明習吏事有治
劇才王欽若始舉進士預知其貴又善待陳彭年自刺郡連奏

為通判皆稱薦之

楊克讓字慶孫同州馬翊人洪州都督公略玄孫少好學上寫
經籍盈笥多收圖書墨跡晉末劉繼勳辟為戶曹掾後乾祐中
表授張彥成節度掌書記周廣順初從鎮安湯又奏其材可用
入為執金吾彥成死未葬不忍受祿退居別墅以俟外除時論
多之歷鎮寧掌書記調鳳翔司錄叅軍加監察御史祖母老解
官歸養未幾改延州觀察推官節度趙贊素敬禮之累加朝散
大夫兼殿中侍御史以家難去太祖知其名命起復為左補闕
掌斬口樵貨務乾德六年知果州乞歸襄事特賜緡錢許葬畢
赴任開寶三年就命為西川轉運副使蜀民懷其善政璽書褒
美代歸疏利病十事稱旨召升殿賜坐勞問面賜金紫征南唐
知昇州行府及平就知州事兼水陸計度轉運使加兵部員外

郎太平興國初進刑部郎中知大名府會錢俶陳洪進歸土以
爲兩浙西南路轉運使討平賊數萬徙知廣州兼市舶使卒年
六十九歷官廉謹幹局所至有聲每視事自旦至暮或通夕斷
決如流略無凝滯當時稱爲能吏 子希閔字無間生而失明
聽諸弟讀經史輒不忘尤善屬文趙普守西洛委草府中牋疏
奏署府掾固辭不受優加給贍繼者張齊賢李沆薛惟吉張茂
宗皆厚待之卒年三十九有集二十卷自教三子皆登進士日
華都官員外郎至太常少卿三司副使日休殿中丞日嚴字垂
訓初試校書郎歷知襄廬鄆三州開封判官使契丹還除兩浙
運副青徐饑改京東運使請轉江淮陝西粟五十萬以賑貧民
開清河八十里並堤起倉廩以便漕運加直史館徙益州轉運
更江淮制置發運使歷三司戶部度支鹽鐵副使太常少卿出

知河中府加樞密直學士知益州 龍元吳川兵時析戶版爲

十等第賦役又止陝西收市益梓 路溪洞馬民頗信愛之入

判太常司農事同知審官院卒 希甫淳化二年進士至屯田

員外子日宣亦進士

段思恭澤州晉城人曾祖約定州司戶祖景神山令父希堯與
桑維翰同在晉祖幕府累歷清顯思恭以門資入官素不知書
無學術爲鎮國軍節度判官更歷史事所至亦著勤績天福中
父任棣州刺史兼鹽禁制置使解官侍養奉章入貢改四門博
士賜緋開運初出爲華商等州觀察支使劉繼勳辟掌書記繼
勳朝京會契丹入汴軍士誼請思恭爲州帥思恭諭以禍福固
拒止之漢祖授左補闕隱帝時蝗詔徧祈山川疏乞令諸州速
決重刑無致淹濫必召和氣從之歷度支駕部員外郎周顯德

中定濱州田賦世宗嘉之賜金紫外艱服闋更左司員外建隆三年除開封令遷金部郎中判眉州值亾命集衆攻州城思恭率屯兵與戰振作士氣許以厚賞諸軍賈勇擊賊走之思恭矯詔給以上供錢帛度支請按之太祖不許卽命知州事母憂起復考功郎中知泗州俄代馮繼業知靈州帝語曰靈州非衛霍名將不可對口臣奉詔而往必能效治帝壯之賜窄衣金帶及錢二百萬又以塗泚諸部別齎金帛遣之甫下車矯繼業之失綏撫夷落訪求民病久之遷右諫議大夫知揚州與通判李谷相告責授太常少卿知宿州太宗遷將祚監知秦州發通判王廷範擅用和市事又降少府少監知邢州郊恩復舊官尋知壽州改陝州卒年七十三子惟一至太常博士三司度支判官從子惟幾進士兵部員外郎

孔承恭字光祖五世祖徽見唐忠節昭宗東遷山京北流

曾祖迴萊州刺史祖昌庶虞部郎中父莊言諫議大夫累世皆登進士承恭自少疎縱長能折節自勵以門蔭授祕書正字歷溫與安豐二縣主簿王審琦奏冊壽春節度推官府罷調補鄭州錄事參軍入爲大理寺丞獻宮詞託意求進太祖怒其引喻非宜罷免歸田太宗赦復舊官監西京酒麴歲增課六千萬遷大理正議獄平允擢庫部員外郎屯田兵部二郎中司考校京朝官課第疏請州縣長吏詢訪耆老求知民間疾苦吏治得失上皆行之端拱三年初置九寺副貳擢爲太常少卿常與徐鉉刊正道書俄以疾辭上召見哀其羸瘠出御藥賜之授將作監致仕錄其子玠司學究出身爲登封縣尉卽就養未行而卒年六十二早遊嵩少間樂其風土願卜居焉晚乃奉佛勸上不殺



請於征戰地脩寺及普度僧尼人病其迂闊

侯陟淄州長山人漢末舉明經周廣順初試校書郎為西川回鶻國信使還補雷澤主簿員外姚恕薦為襄城令歷汝州防禦判官濮陽襄邑二縣令以濟幹問建隆二年擢左拾遺抗言節度使袁彥不法四年改淮南轉運使賜緋衣銀帶遷右補闕乾德三年就改侍御史入為右司員外郎度支判官開寶六年遷判吏部銓賜金紫出知揚州敗南軍於宣化城俄為部下所訟追赴闕陟素與盧多遜善求為畫計多遜令上急變言南唐近在旦夕願急取之奈何反欲班師上屏左右召升殿問狀陟罪復知吏部選事太平興國初遷戶部郎中選人有妄冒事詞連陟南曹雷德驤將奏劾之陟造便殿白首出為河東轉運使征太原更東路轉運駕還次鎮州命先還上都供頓軍需以

功遷左諫議大夫權御史中丞五年同知貢舉南都舉加給事中七年與王明同判三司卒贈工部尚書陟有吏幹性狡獪姪進善事權貴巧中傷人嘗言趙普過失及普再相頗懷憂恚又忌楊克讓將大用太祖問識克讓否對曰臣素與厚善知其才識誠佳士也近聞上許以大用多市白金作飲器臣竊惟之上怒亟出令典郡其險詖如此

魏丕字齊物相州人世宗鎮澶淵辟為司法叅軍有盜五人獄已具丕疑其緩之果獲真盜世宗嘉其明慎歷知頓丘冠氏元城三縣復改右班殿直自陳頗涉學問願受儒資時因用武籍其幹辦不許未幾出監明靈砦軍獲江南娼者四人部送行在詔獎之賜錢十萬遷供奉官進供備庫副使宋興改作坊副使語以作坊久弊命脩治之轉正使在職盡力開寶九年領代

州刺史凡典工作十餘年討澤潞維揚下荆廣收川陝征河東
平江南皆先期諭旨令修狃器械無不精辦舊床子弩射止七
百步丕重造遠至千步及改繡衣鹵簿專救裁製常撤本坊舊
屋爲儼舍收直及鬻死馬骨以給工匠之有喪者將幸洛三司
使王仁瞻議崔民車牛運法物太祖以勞民不悅丕請揀本坊
匠少壯者二千餘分遞舖輸之時以爲便雍熙四年轉戶部使
端拱初遷度支使出爲黃州刺史還朝召對便坐賜御書悉就
章宋邸集退作歌以獻願授臺省之職太宗面諭知卿本儒然
清望官奉給不若刺史之優也淳化初歷汝鳳襄三州境內旱
虔禱多應還授左武衛大將軍尋判金吾街仗初六街巡警皆
用禁卒丕請左右街各募卒千人優以廩給使傳呼備益分以
四營免調禁兵時甚便之五年改郢州徙復州遷左驍衛大將

軍卒年八十一生平頗能詩與士大夫遊嘗使李煜遷登昇元

閣賦詩有朝宗海浪拱星長之句以風動之又楊承信帥河中

或言其反側未安命丕使還此亦可稱者

舒元穎州沈丘人少儻好一楊訥講習於嵩陽通左

氏及公穀同詣河中謁李之館於門下守貞叛遣

問道乞師江南後敗遂不訥更姓名李平爲員外

郎遷衛尉少卿蘄州刺史凡易姓朱事李景歷江寧

令駕部員外郎文理院待詔世宗親征求見景言兵事景大悅

遣元率兵復舒州以爲團練使又攻歷陽爲淮南北面招討使

與齊王景達監軍陳覺有隙密表譖元景信之遣大將楊守忠

代元元憤怒自以戰功高心不負景欲自殺客宋洎勸元將其

衆北歸世宗素知元驍果得之甚喜授檢校太保蔡州防禦使

淮南平改濠州兵自從李重進復改沂州皆防禦使更滑州
巡檢使復姓舒氏為人健強記或譖其不親獄訟事多冤滯
太祖召元面詰凡所詰必具款指述曲直太祖更嘉歎之開寶
五年爲白波兵馬都監卒贈武泰軍節度使三子知白至作坊
使知雄初補殿直以雷有終薦授供奉官鄜延路駐泊都監
後辭疾居嵩山太宗召授西京作坊副使泉福都巡檢使真宗
初懇歸嵩陽舊隱復爲王嗣宗李元則所薦授供備庫使歷知
棣與處州爲麟府鄜延鈐轄復求入道而賜紫冠服號崇玄大
師嘗獻字母圖詔褒獎卒年八十一知崇累歷供備庫使嘗
爲廣州鈐轄河北安撫副使卒孫昭遠官大理評事真宗改寺
丞賜進士第至太常博士

王晉卿河朔人少勇敢爲鄉里所推

警求見周世宗謀

下親信之補東頭供奉官每遣宣傳密旨北征爲先鋒都監有
功權控鶴都虞候克關南授軍器庫使爲龍捷右第一軍都指
揮使領彭州刺史乾德中真任興州刺史移漢州時寇難甫平
盜賊充斥晉卿嚴武備設方略擒捕剪滅靡有孑遺雖劇賊無
敢窺其境者然頗以賄聞太祖惜其才不問秩滿以疾求養改
左監門衛將軍奉朝請未幾戍北邊授莫州刺史在郡謹斥埃
撫士卒邊民安堵卒年六十七

郭廷謂字信臣彭城人南唐濠州觀察使全義之子幼好學工
騎射補殿前承旨改濠州中軍使李景每令入奏偵中朝機事
父卒權莊宅使監濠州軍周師來伐與州將黃仁謙爲固禦之
計濠守欲棄城走力止之旣而援兵不至城不可守廷謂南望
大憫出降至山陽見世宗特加宴勞賜金帶襲衣良馬拜亳州

防禦使以其弟延讚爲和州刺史宋初從征上黨再知亳州乾德二年代還改絳州防禦使兩川平召爲靜江軍節度觀察留後舊弊有莊宅戶車脚戶鷹鷄戶田獵戶及鄉將都將鎮將輩互擾閭里至則盡除之開寶四年卒年五十四性恭謹事母以孝聞兄延諭官南唐太子洗馬入宋至祕書監子延濬字利川從父補牙內都指揮使太祖錄爲供奉官屢使西北宣諭機事太平興國初以內廷宣索及殿前賜賚移文庫務未有專領之者乃置合同憑由司命延濬與內藏庫劉蒙正掌之又領八作司督治汴河改崇儀使李順亂改西京作坊使充成都十州都巡檢爲王繼恩先鋒時成都將陷延濬率兵倍道先進擒賊探騎得其機事變易旗號令賊不覺單騎斬關逕入殺千餘人與郭載議募亡卒退保劔門賊數千躡其後復擊走之權知

州州方經兵燹解舍橋梁城砦悉毀募軍民葺之幸州帑以應軍須錄功改洛苑使督兵屯遂州運使劉錫言其勞詔書嘉獎真宗改內園使會河朔用兵遣馳往邊城按視砦壘咸平二年卒子有倫供奉官閤門祇候延澤字德潤南唐試祕書正字乾德中四遷著作佐郎轉殿中丞知建州與贊善大夫董元亨皆好學太宗召問經史大義條對稱旨命爲史館檢討歷國子周易博士咸平中求退授虞部員外郎致仕居濠州城南小圃以自娛樂詠牡丹至千首聚圖書萬卷手自刊校范杲韓丕皆與之游元亨亦至虞部員外郎嘗續立門碑誌三十卷吳虔裕許州許田人左屯衛將軍徽子少爲郡吏漢祖鎮許愛其精謹署以右職擢爲引進使轉內客省使隱帝召除宣徽北院使周祖改汝州防禦使歷金吾衛將軍兼銜仗使入宋至

太平興國六年遷右千牛衛上將軍仍判左衛仗事凡歷三十餘年端拱初卒年八十八贈太尉虔裕性簡率言多輕肆每朝會及從遊宴太宗憐其壽高常慰撫之子延彬儀鸞副使孫仁美內殿崇班

劉福徐州下邳人少儻魁岸有膂力世宗征淮南福徒步謁見于壽春奇之因留麾下為先鋒預破紫金山砦錄功授懷德指揮使宋初改橫海隸步帥劉光毅由峽路征蜀比至孟昶已降會全師雄亂綿州刺史成彥饒以同華兵百餘人守其城王全斌遣福與米光緒引所部屯護之師雄聚叛卒十餘萬來攻福領精銳由山南行田紹斌由東山西北行出賊不意夾擊之賊衆大潰斬首及溺江死者萬計以功授虎捷都虞候隸曹彬麾下還領蔚州刺史從太宗克并汾遷馬步都軍頭武州團練使端拱初出為洛州防禦使二年改維州

行城壘調鎮兵以給繕出私錢以資宴犒雖人至恃以無恐淳化初遷涼州觀察使素不知學然御下有方略政事簡易人甚德之在雄州五年郡境寧謐諸子勸起大第怒曰汝曹無尺寸功以報朝廷豈可徒為自安計不許年六十四卒贈太傅上聞前言賜其子白金使市第宅

張保續字嗣光京兆萬年人唐左武衛上將軍洪子蔭補太廟齋郎累官中調臨濟尉充四方館通事舍人後唐領瓜州官告國信副使首歷太府光祿二少卿漢初出為隴州防禦使周祖遷引進副使知閣門事世宗授西上閣門使宋初遷衛尉卿判四方館及客省閣門事性介直好儉素在閣門前後四十年宣贊辭令聽者傾聳累使藩國不辱君命歷事六朝未嘗有過

建隆三年卒年六十四

侯贊太原人父義漢遼州刺史以蔭補殿前承旨周顯德中遷供奉官江南平命領三門集津發運使宋初爲諸衛將軍朝廷歲仰關中穀麥以給國用命贊掌其事歷三十年國用無闕累遷至右武衛將軍開寶中歷知建安軍揚徐二州皆有善政太宗移知福州改右衛將軍吳越納欵詔馳往兩浙諸州閱視軍儲芻菱累遷左右二衛大將軍知靈州按視蕃落宴犒以時得邊士心部內大治在朔方凡十餘年上求可代者而難其人淳化二年卒于官年七十四贈本衛上將軍

石曦太原人晉韓王敬暉子歷漢至周爲左右神武衛將軍高麗加恩命副驍衛將軍戴交充使建隆三年再使高麗遷左驍衛大將軍護秦州屯兵西人犯邊率所領擊破之斬渠帥十三人征太原領兵自澤潞除道環壅汾水又益兵攻遼州還知雄州代回爲潭州鈐轄開寶八年領兵敗南唐軍于袁州及平梅山板倉諸洞蠻俘馘數千人太平興國中歷神武羽林大將軍連知孟襄二州雍熙四年改知霸州兼部署陳延山謀以平戎軍叛入北邊曦與侯延濟定計擒之錄功加領本州團練使同知鎮州淳化二年移原州遷右龍武大將軍卒年七十四

弘簡錄卷一百五十八
明刑部員外郎仁和弘齋邵經邦學
皇清翰林院侍講學士四世孫遠平校閱
庶官 宋六之三
張思均

庶官 宋六之三
翟守素 田仁朗 陳承昭 劉綜 安守忠 孔守正
譚延美 趙延進 輔超 王杲

周審玉 薛超 丁罕 趙瑄 王承美 李繼周 子十
常思德 楊允恭 兄允升子可告 秦羲 郭載 咎居潤

張美 王贊 趙玘 李溥 張質 爨崇吉
翟守素任城人父溥晉左司禦率府率守素以任為殿直歷漢

周遷供奉官領承天軍使乾德中為引進副使王師伐蜀命往
來馳告軍事擢判四方館又以餘寇未殄再入蜀經略分兵防

過開寶中麟府內屬戎人爭地不決因致擾亂命守素馳往撫諭辨其曲直卒以悅服從征太原監海州刺史孫方進軍圍汾州轉引進使歷劔南十州都巡檢東上閤門使賜錢五百萬入謝辭不敢當上不許更遣為岐帥符彥卿官告使吳越來朝命護諸司供帳迎勞郊外并壘未下詔與郭進率兵深入其境陷藉禾稼多所鹵獲太宗遷客省使領憲州刺史河決滎陽領護鄆州丁夫千五百卒千人塞之在山洞蠻恃險叛命守素率諸州屯兵往擊值霖雨弓弩解弛明日將接戰夜令軍士別稍木為弩及旦賊奄至勁弩交射賊大敗乘勝逐北盡平其巢穴錢淑獻地詔為兩浙兵馬都監安撫諸郡人心甚悅即以知杭州歲滿轉西京巡檢權知河南兼留守司事屬歲旱艱食多盜守素至漸以寧息雍熙二年改知延州領商州團練使自君子之敗河朔諸州城壘多圯詔與田仁朗等行發諸州鎮兵增築功完賜白金留充天雄軍兵馬鈐轄知大名改潞州會建方田又為代北方田都部署并州兵馬鈐轄夏州改知鳳翔淳化中李繼遷不靖詔復屯夏州尋徙石州以老病求歸本郡卒年七十一守素性謹慎寬仁容衆所至清績凡斷大辟雖罪明白仍徧詢僚案僉同而後決之屬吏有過不面折援往事相類者微致其警逮事四朝歷內職五十餘年後進多至節帥守素獨久次不遷殊無介意時論以此多之田仁朗大名元城人父武仕晉昭義軍節度使仁朗以蔭為西頭供奉官宋初征李重進攻城有功討蜀命為鳳州路觀察監伐木除道大軍以濟錄功遷內染院副使征太原陳承昭獻計壅汾水灌城命督之將陷會班師俄遷院使改左藏庫使為

中官所讒上怒立召詰問至殿門命去冠帶仁朗神色不撓從容謝曰臣遠破蜀秋毫無犯受知陛下今主藏禁中反忍為妾利以自汗耶上為霽威止停其職開寶六年起為權易使明皇西北侵邊遷知慶州仁朗率麾下往擊短兵將接前鋒稍却仁朗指揮使二人軍中震恐爭効命遂大破之其酋長相率請和仁朗烹牛置酒與之約誓邊境乃寧璽書褒美太平興國初秦州羗為寇命屯兵清水會李飛雄事敗召為西上閣門使再經太原命與閣門劉緒按行四面壕砦閱視梯衝器械太原牛營為兵馬鈴轄與公再興賈湜並為巡檢役民築榆次新城改治州鈴轄遷東上閣門使知秦州九年判四方館事會討李繼遷命召銀綏夏兵皆留防城不遣所部祇千餘人繼遷復攻麟州誘殺曹光實遂圍三族砦命與李繼隆王侁等馳傳發邊兵千擊之仁朗次綏州轉輸芻粟未備三族砦與綏州去迫


則疏奏繼遷得部落情願降優詔外示懷來內暗諸酋長以厚利令密圖之不爾大為邊患恐他日難制兼請益兵留月餘俟報無何三族砦將折遇弋殺監軍與繼遷合太宗聞之大怒亟遣劉文裕自三交乘急傳代仁朗令赴闕下按問御史推原仁朗定計欲伺繼遷攻撫寧砦力稍困以大兵臨之分強弩邀其歸路必成擒矣乃為王侁等所構上聞貸死責授商州團練副使後數月召拜右神武大將軍部修河北東路諸州城池數月而就留知雄州領澄州刺史時河北用兵節度使與通判權位不倫朝議選刺史有吏幹者佐之除定州節度副使卒于鎮年六十性沉厚有謀略頗涉書傳所至有善政雅好音律尤臻其妙內職中以為稱首死之日人多惜之 陳承昭江表人事南



唐爲保義軍節度使世宗征淮南任濠泗楚海水陸都應援使
會拔泗州周兵東下時宋祖率甲士數千爲先鋒遇承昭于淮
上擊敗之追至山陽北親擒以獻世宗釋之授右監門衛上將
軍賜錦袍銀帶俄改右領軍衛分司西京宋初入朝太祖以其
習知水利命與田仁朗浚治惠民五丈二河以通漕運都人利
之河成賜錢三十萬其壻王仁表尚在南唐帝爲致書李景令
遣歸闕歷左右神武統軍建隆四年春復董近甸丁壯數萬修
畿內河堤又督諸軍數千鑿池於朱明門外以習水戰乾德五
年遷右龍武軍統軍卒年七十四贈太子太師錄孫宗義爲三
班借職

劉紘字居正河中虞鄉人少習詞業依外兄董遵誨嘗遣貢馬
太祖嘉其敏辨將授三班職自陳願應科舉登進士解褐中州

蜀地富庶安寧已久望慎擇益州長吏言切于理改
中允未幾李順亂復召見賜緋魚尋爲三門發運司水陸
運使通判大名連丁家難起知建安軍以天長六合民輸賦非
便請降天長軍爲縣隸揚州以六合隸建安軍自是民力均濟
發運使王嗣宗規畫多滯請復置都大發運司專幹其職至道
二年遷太常丞職事修舉咸平初判三司理欠憑由出爲河北
運副言州縣慕職其間有識廉謹之士或幼累無托或居止無
定全藉祿廩以濟朝夕一旦停罷使饑寒無依大傷和氣又漕
官斷獄皆引律定罪及至奏御復云慮未得中別取進止殊非
一成不變之道望自今降旨約束又言河北承兵寇之後民
凋弊所銓官皆四方之人不習風俗有懷土之思以是政事




因循不舉自今並乞以河朔人充之冀其安居勤於戰事夏人
擾邊環慶大屯士馬徙綜陝西運副轉太常博士充轉運使
上解鹽官鬻非便棄靈州中賊姦計獻議於鎮戎軍置屯田
錄唐安國鎮制置城壕古記石本以進詔從其請賜金紫并
錢五十萬五年拜工部員外郎兼侍御史知雜事言天下州縣
長吏審官惟據資例未為得人自今西川荆湖江浙福建廣
地居津要戶口繁庶之處望親加選任其執政舊臣及給舍以
上知州處亦擇官通判又京朝官當遠任者率以父母未葬
辭意求規免請自今審官投狀明言父母已未葬方許依例考
課違者罷遣從之六年遷起居舍人再為河北運使時兩河用
兵邊事煩急轉漕之任尤所倚辦綜繼領其職號為詳練警急
之際輒資其奏處景德三年契丹請和遣近臣諭綜將擢用拜

戶部員外郎樞密直學士兼勾當三班院上言御史員數至少
每奉朝請劾制獄多以他官承之甚紊彝制望詔兩制以上各
舉才堪者充三院共置御史十員四年西幸道出河陽境上命
綜權知孟州事徙并州以政績聞州民乞留優詔嘉獎歸朝知
審官院改吏禮二部郎中兼知通進銀臺司祥符四年館伴契
斤使命同知貢舉尋權知開封建議富民交結貴要為之請託
奏授試秩謁見官司頗紊公政其文武官遠任家寓京師子孫
弟姪無賴者俱望嚴行約束詔可七年有疾命知廬州明年罷
學士授右諫議大夫卒年六十一綜強敏有吏材所至拊挫豪
右振舉文法時稱幹治然尚氣好勝不為物論所許子建中正
中並贊善大夫弟綽進士官刑部郎中
安守忠字信臣晉陽人父審琦周平盧節度使封陳王自領山

南東道時署守忠牙內指揮使俄領繡衛二州刺史顯德四年改鞍轡庫使初下淮南命守忠馳往宣諭抗以正禮無所辱命宋祖居潛雅相厚善即位超授左衛將軍守忠自處益謙從征太原多與謀略人罕知之建隆四年湖南平命為永州刺史乾德中護河陰屯兵蜀平太祖憫遠俗苦苛虐特命守忠知興元府以撫綏之尋改漢州刺史朝使旁午公帑不足至出私錢給用太祖每戒使者言守忠在蜀能律已以正汝行見之當效其為人開寶初改刺濮州命副曹翰塞澶州決河護其役五年知遼州獲部民陰召并人謀內應者斬以徇太平興國初移知冀州雍熙二年又改易州徙夏州每西戎犯邊戰無不捷錄功累

五百萬拜感德軍節度留後徙宋州兼制諸營田使在任兼著吏民不忍其去咸平三年入觀遣還卒年六十九贈大尉錄其子繼昌供備庫副使塔王世及光祿寺丞生平謹慤淡治以簡靜樂施予豐宴犒且喜從士大夫遊時論多之以父因愛妓為隸人所戕故終身不畜嬖妾而喜佞佛孔守正河南浚儀人幼事後唐許王從益入漢為東西班承旨事魏王承訓世宗以材勇選為東班承旨宋初補內殿直兼領驍雄吐渾指揮從劉廷翰平蜀遷驍雄副指揮使征太原隸何繼筠大敗契丹援兵於石嶺關斬首萬級獲其將王破得時宋師數百亦陷守正以騎軍馳之盡奪而還太平興國中累遷日騎東西班指揮使征晉陽分主城西洞屋領步卒大呼先登繼與內侍蔡守恩等率騎兵力戰晉軍遂潰從征范陽至金臺驛



弘治錄 卷一百五十八
詔守正與劉仁蘊先趨岐溝關夜超垣度鹿角臨機橋說軍使
劉禹降之禹解懸橋遂入城撫諭軍民屬綦廷 城守而已赴
行在時契丹兵在涿州東復與傅潛率御前東西班分兩陣馳
擊之逐北二十餘里降其羽林兵數百繼與高懷德劉廷翰合
兵追至桑乾河契丹自是不敢近塞以勞再遷日騎都指揮使
領濡州刺史端拱初改龍衛領長州團練使出鎮真定上以其
練習戎旅特置龍衛神衛四廂都指揮使以授之歷殿前都虞
候定州行營副部署受詔詣保州軍開道遇敵于曹河與戰數
合梟首三十餘獲馬五十匹上聞而壯之淳化初擢高陽關都
部署明年護浚惠民河命知澶州就塞決河改慎州觀察使還
領代州部署連移并代夏綏麟府三鎮與李繼遷戰大橫岡援
范廷召出塞破賊于白池至行莊焚掠甚衆真宗徙代夏二州

部署綦平初授白化軍觀察留後

徙東北以自效會夏人入寇改定州副部署四年改彰德軍
留後以風疾改安化軍卒年六十六贈泰寧軍節度使
譚延美大名朝城人軀幹壯偉少不逞往來澶魏間為盜賊宗
募置帳下補殿前散都頭從征淮南以勞遷控鶴副指揮又從
克三關時宋祖領禁兵留督牙隊建隆元年進指揮使稍遷都
虞候馬步副都軍頭征湖南領行營戰權大敗朗州汪端擒之
以還擢鐵騎副指揮使領睦州刺史四遷至內殿直都知太平
典國初為蘄州刺史連徙廬壽濠光四州巡捕使捕獲劇賊六
年徙知威武軍為幽州西面行營都監與田重進出飛狐北邊
敵出其不意麾騎軍直進遂敗之斬首五百獲其將大鵬翼以
獻擢亳州防禦使逾年為鎮州鈐轄端拱元年徙知寧遠軍

丹兵抵城下延美令大開城門芻收不禁契丹圍之數日延美設謀引去進邕州觀察使判亳州兼知代州徙潞陝涇三州左領軍衛上將軍致仕卒年八十三贈建武軍節度使子繼崇儀副使雍虞部員外郎

趙延進澶州頓丘人父暉周太子太師漢末領鳳翔節度未幾鎮王景崇據其城卽命爲招討使延進年十八屢當軍鋒景崇平蔡捷授牙內指揮使領貴州刺史世宗授右千牛衛將軍兼初改右羽林衛將軍濠州都監會伐蜀以襄川當州路津要爲鈐轄同知州務事竣專領郡中漢江水歲害民田延進令置石爲岸水患遂絕充兩浙漳泉國信使授右龍武衛將軍外州以母老辭留權判右金吾街仗歷知河中府梓州壽州三州

日而城未定州人擾邊與崔翰李繼隆將兵八萬禦之賜以可瓊留屯定州還入擾邊與繼隆將兵八萬禦之賜以陣圖分爲八隊各去百步師次蒲城乘高望見遼騎至東西亘野不見其際翰等方授圖布陣延進與繼隆前詔諸將曰王上委吾等以邊事期於克敵今敵衆若此而我師星布勢相懸絕彼若持我將何以濟不如合而擊之可以決勝與其從令而辱國孰若違令而獲利乎翰等懼曰萬一不捷將若之何延進曰事有變通安可預定設獲違詔之罪請獨當之乃改爲二陣前後相副士衆皆喜三戰大破之獲人馬牛羊鎧甲數十萬以功遷右監門衛大將軍知鎮州代日吏民數千守闕借留詔許一年俄改右領軍衛大將軍高陽關平戎軍都監兼緣邊巡檢改鈐轄知揚州又改右屯衛驍衛二大將軍連知相鄧二州飛

蝗不入境詔褒之還判右金吾街仗本衛大將軍咸平二年卒年七十三贈左武衛上將軍延姿狀秀整涉經史好作詩士流多之妻尹氏即淑德皇后妹兩朝頗任以腹心子昂登太平興國進士至戶部郎中直昭文館

輔超忻州秀容人少勇悍有力家世業農嘗開運中應募隸澶州軍籍漢乾祐中從周祖討趙思綰攻永興城以功補小校顯德中轉日騎副兵馬使宋初從不上黨再遷內直都知太宗選為馬軍都頭征太原冒矢石攀堞先登身被十三創上嘉其勇悍賜錦袍銀帶帛五十段詰朝再乘城中流矢入復加厚賜襲范陽隸偏將米信為田重進先鋒取飛狐蔚州遷馬步軍副都軍頭補曹州馬步軍都指揮使領峯州刺史改欒州召還淳化三年出刺德州坐誣奏使者毆殺驛吏責授右監門衛將軍

七十七

領誠澄一州刺史真宗真拜萊州團練使以老願留京

王杲齊州人周顯德中應募從世宗收三關隸先鋒宋初從征澤潞平揚州遷散指揮使轉馬軍副都軍頭屯并州雍熙中為龍衛右第二軍都虞候命引兵護送趙保忠還贐方物拒不納太宗知之賜白金遷右第一軍屯鎮州隸大將郭守文扞契丹城守北關寇退督餉趣威武軍遇賊于徐河按兵拒之殺賊奪所乘馬守文上聞得召見問狀補都軍頭領勤州刺史命監河北軍有能聲尋命閱教定州諸軍騎射入掌軍頭引見司討姦順為西川招安使有功真拜唐州刺史賊黨尚保山林復追捕於彭州至道初遷靈州副部署知并與夏州趙保吉歸款召還移石州兼石隰副部署未幾轉餉河西失期降右千牛衛大將

軍咸平五年出爲亳州永成縣都監以疾卒年六十四
張思均邢州沙河人漢澤州刺史中正之孫少能擊劔挽強善
博奕應募爲卒晉開運間遷廣銳軍使周廣順初從聶知遇攻
河東破其衆向訓東征爲捉生將擒小校張萬于江猪嶺又從
符彥卿與并人鬪代州留爲南北兩關巡檢宋初補龍衛指揮
使從李繼勳下遼州戰帶甲嗣追奔至長城擒其將莫山鮑淑
掠人騎二百屯潞州合戰三十以勞遷都虞侯開寶三年從郭
進田欽祚戍三交戰於石嶺關祇候齊延琛苗杲陷軍中思均
鼓勁騎突入奪還又隸何繼筠麾下入晉境拔南橋徑度太平
興國初屯定州領兵援磁窰敗其衆身中創不顧逐賊薄城奪
馬及鎧甲居多未幾邊人復來攻逆戰城下上嘉之命賜袍帶
領河州刺史劉廷讓敗陷留敵中數年端拱初始逃歸授澄州


刺史齊州思均才以武進不知民政從

使改鄜延會葺石堡砦擊寇走之寇又逼保安軍與曹瑋往援
追躡五十餘里至木場遁去真宗徙益州鈐轄兼綿漢九州都
巡檢使討王均出兵保綿州進克漢州斬僞刺史苗進又與石
普敗賊彌牟砦恃其功多求巴西尉傅翽善馬不與責以轉餉
後斯斬之事聞召赴臺鞠特貸死削籍流封州六年起爲左司
禦率府率監考城軍上幸澶淵召思均與李繼隆石保吉同議
兵事賜張御景德二年爲西京水北都巡檢使分司西京上憫
其老授唐州防禦副使徙鄭州再遷左千牛衛將軍卒年八十
九子承恩三班奉職思均自起行伍征討有功短小而精悍軍
中稱爲婁羅

周審玉開封人父勳以親校事唐明宗累立戰功至隰州團練

使周顯德初審玉蔭補殿直從世宗平瓦橋關甚見親信入宋
為供奉官閤門祇候累遷崇儀洛苑副使西京作坊使雍熙中
監潘美軍屯定州嘗與敵戰先鋒劉緒陷賊審玉躍馬趣擊拔
緒而還以勇敢聞淳化中知貝州有虞候趙咸雍父鱗晉天福
中誘契丹屠州城至是五十年遇驍捷卒三十七人同謀推咸
雍為首劫庫兵以叛審玉覺之與轉運王嗣宗悉擒斬之磔咸
雍於市故老傳以為異以功領順州刺史徙并州鈐轄咸平初
知鳳翔有桑門乘傳而西以市木為名威動府縣審玉按詰之
得其姦狀杖背送闕下以目疾代還奉朝請久之丁內艱上章
請老以千牛衛大將軍致仕真宗嘗召至便坐示以攻戰器方
奏對疾作與使就第賜白金慰恤之自少雖長兵間習攻守晚
年好讀本草留意方術卒時年七十四子允迪虞部員外郎一

我蜀錄功勳都突候遷十將次...
委征太原領遊騎千人備禦...
將劉廷翰率兵至徐河遇契丹兵挑戰趙躍馬直前射斃數人
敵勢遂却大軍乘之奮斬萬餘級以功加步軍都頭神衛軍
領叙州刺史又從潘美北征至馬門西復與契丹戰敗之追至
寰州斬首五百級遼將趙彥辛以城降趙時連被數創流血滿
甲部分軍士自若乘勝抵應州降節度艾正還加馬步都軍頭
淳化初屯鎮州遷天武指揮使領澄州團練使卒年五十七
丁罕穎州人應募補衛士遷指揮使戰徐河以奪橋功遷本軍
都虞候累遷天武指揮使領獎州團練使淳化三年改澤州團
練知霸州會河溢壞城罕悉力完補有不繼佐以私財民咸德



之五年加容州觀察使領靈環路行營都部署與李繼遷戰斬
首俘獲數萬至道中率兵從大將李繼隆出青岡峽賊聞先遁
窮追十日卒子守德能世其家 趙珣貝州清河人由衛士遷
龍衛指揮使亦以徐河功加鎮州團練使至兵馬部署卒年
十贈歸義軍節度使

王承美豐州人本河西藏才族首領其父事契丹為左千牛
將軍豐州刺史開寶二年率眾來歸授承美豐州牙內指揮使
父卒改天德軍蕃漢都指揮使知州事給俸同蕃官例遣軍校
詣關願誘退渾突厥內附上嘉其意太平興國七年與契丹戰
斬獲萬計禽偽天德節度韋太以獻明年契丹入寇承美又擊
敗其眾追北至青冢百餘里斬獲甚眾以功授本州團練使淳
化二年冬來朝令歸所部控于河漢自是諸蕃歲脩貢禮頗繁
忠順景德初來朝推其守邊歲久有勞遷本州防禦使月增奉
錢五萬尋請於州城置孔子廟詔可未幾被疾遣中使挾醫診
視祥符五年卒贈恩州觀察使子文玉襲任曉遠軍政文恭供
奉官文寶及孫懷筠皆為侍禁

李繼周延州金明人祖計都父孝順皆為金明鎮使繼周嗣掌
本族入宋與李繼福同時歸順太平興國三年東山蕃落集眾
寇清化砦率眾敗之殺三千餘人補殿前承旨雍熙中又與
延廣敗末藏末厥等族于邠州西山淳化四年遷殿直賜介冑
戎器茶絲明年討李繼遷命開治塞門鴉兒兩路迎擊繼遷兵
於途却之招降首領二十餘族率所部入夏州敗蕃兵數千於
石堡砦以功轉供奉官復加恩賞仍賜官第命脩築阿都關廩
關等砦有磨盧家娼詳拽藏等族居近盧關未嘗內順繼周夜

率所部往襲焚之斬獲甚衆至道二年授西京作坊副使尋
帶銀綵彫戈以寵之大寧討西夏命為延州路踏白先鋒尋
初改西京左藏庫副使三年復為先鋒入賊境焚積聚數人
獲器甲授供備庫使領金明縣兵馬都監兼新砦解家河盧
路都巡檢五年授西京作坊使蕃騎入鈔逐之出境景德元
夏人圍麟州詔率兵會繼福掩擊加領誠州刺史祥符二年
年六十北 于殿軍士彬管勾部族事為人遜懷邊人言于
士用練習邊事性朴忠為部落所伏乃詔士用為巡檢尋監以
佐之康定元年元昊潛兵襲金明士彬父子俱被擒繼福初
承李若葵討軍士以戰功歷歸德將軍領州刺史至西夏
李若葵討軍士以戰功歷歸德將軍領州刺史至西夏

環州刺史潘美北伐以重誨為應州馬步軍都指揮使
使蕭咄李迎戰于代州北嶺咄李被殺重誨受擒太宗自見改
鄧州馬步軍都指揮使趙普出鎮奏監其軍雍熙三年還領武
州刺史充忻州都巡檢緣邊十八砦招安制置使賜服帶鞍馬
以所部邀戰敗北兵獲牛馬鎧甲賜詔嘉美會嶺蠻叛改廣德
融宜柳州招安捉賊使聽便宜從事至道初累遷涇州善渭鎮
戎軍鈐轄咸平三年徙邠寧環慶路坐轉餉靈武至積石為敵
所掠除名流光州起為內殿崇班鄜延駐泊都監遷崇義使景
德中趙德明納款上以涇原地要兵衆慮有緩急徙為鈐轄復
遷益州改皇城使卒年六十八重誨純慤寡過真宗悼其沒于
遠土命子禹謨乘傳往護錄為將作主簿禹偁閣門祇候家
睿歷官澄州團練使

常思德開封人初以材勇應募隸天武軍累遷神衛都虞候從
曹彬征幽州署牙校拒馬河之敗彬左右皆潰散獨思德以所
部護至易州語人曰既備戒行則與主帥同死生可也若視利
害以為去就將何面目見君父乎端拱初以弓箭直都虞候領
涇州刺史討李順命往夔陝招捕陞辭曰太宗語以北征時事
深加慰勞且諭之曰為臣以忠實為本汝少壯時能盡心主帥
今雖老亦當無負乃職庶不辜朕之委寄也思德頓首謝師次
達州新寧縣調近州土兵掩殺三千餘人大軍抵合州賊眾二
萬來拒復與尹元裴莊等合擊之賊帥田奉正蘇榮先據果州
至是遁因而追捕斬首八百二州既定分兵為二餘賊走廣安
梁山者思德禦之趣渠州者元莊禦之合力進討盡殲其眾以
功真授汝州刺史未幾移慶州路副都部署屯邠州咸平初與
李繼隆同部勦糧赴靈州以疾改賜留都監換左神武大將軍
卒年六十五

楊允恭漢州綿竹人家世豪富兼有膽幹少側儻任俠遭王小
波亂率鄉里子弟砮于清泉鄉為賊所得給之獲免以策于丁
德裕署綿漢招收巡檢賊平補殿前承旨至殿直出掌廣州鹽
船因部運入奏自南漢後州縣歲苦游賊太宗卽命為廣連
巡檢使時鹽自嶺入盜販者眾允恭請建大庾縣為軍輦鹽官
車以免其患詔建為南安軍有葉姓賊眾五百餘往來海上允
恭集水軍掩襲斬之餘黨棄船走劫男女伏匿山谷蔓抵漳泉
復伐木開道奪還婦女六十餘口賊平詔書嘉獎賜錢十萬轉
供奉官改內殿崇班命督江南水運兼捕寇盜行及臨江軍擇
驍卒擊輕舟夜伺其出沒獲賊百餘悉梟其首進趣通州海賊

列舟張幕反施弩礮中允恭左肩流血及袖容色彌厲遣善泗者壞賊舟以鐵鉤牽其幕士卒爭奮賊大半赴水死生擒數百以功轉洛苑副使江淮兩浙都大發運擘畫茶鹽捕賊事賜紫袍金帶錢五十萬先時上供米歲不過三百萬三路領職者多以舟楫不給牽挽憚役至是盡籍三路舟卒與所運物數令諸州擇牙吏辨數授之如江浙所運止于淮泗復由淮泗轉輸京師一歲至者六百餘萬淳化五年轉西京作坊使時茶法屢更精麤不校商人弗肯售久至焚棄又兩河風土各有所宜非問以數品卽商人少利至道初請廢緣江榷務許商人過江買鹽允恭請依舊江北置務以諸州新陳和揉均其色流以年次給之事不三司陳恕等議以爲是卽改擘畫爲制置命以爲使

者作坊副使李延遂著作郎王子真又集與盧沆曹諫處州道

入州軍其九禁鹽餘請悉禁遣官吏主之三司言其不可允再三請亦從之是歲收利巨萬真宗改西京左藏庫使言川峽鐵錢之弊請運饒信銅以達荆峽運蜀銅以達夔益各置錢監歲用均給不十年將徧川矣議雖未用然自是吏卒奉給多用銅錢以易移知通利軍兼御河發運使會議減西鄙屯兵息轉餉命與副使竇神寶祇候李允則馳往經度圖上山川形勝因建議自環州入積石抵靈武七日程若藉人驢轉運其費頗煩况所載數少莫若用小車每四人挽之旁設兵衛寇至則召士卒禦之爲議者所沮復遣之任加領康州刺史咸平初又令平估北邊賣馬未有定直因置估馬司鑄印遂爲常制王均亂改荆湖江浙巡檢使以疾卒于昇州年五十六賻其家錢絹

命揚州選第賜之 兄允升弟允元屢爲王師鄉導併力皮李
順兄自榮於綿竹執詣劔門王繼恩表其功詔賜允升學究出
身授右贊善大夫本縣令允元大理評事什邡令長子可咸平
元年進士除大理評事侍父疾召試歷戶部鹽鐵判官知洪宜
潤壽潭五州並屬文有吏幹終都官員外郎 次子告字道之
賜同學究出身調廬江尉累遷至司封員外郎開封推官判開
拆司爲趙元昊旌節官告使除京西運副屬歲饑發公廩募食
宰出粟賑之有伐桑易粟者命高其估以給酒官民獲濟以
權管勾西京留臺出爲淮南轉運使歷官少府監拜右諫議大
夫知鄭州徙江寧壽州告曉法令不務苛刻時號爲能然喜事
權貴以要進一子力學有文近臣薦召試同進士出身未幾卒
告悲傷之亦卒

蔡義字致堯江寧人世事江左曾祖本岳州刺史祖進遠寧國
軍節度副使父承裕建州監軍使知州事歸朝遣義詣闕上符
印太祖召見悅其趨對詳謹補殿直令督廣濟漕船太平興國
中南唐軍校馬光瓌等亡命荆楚結徒爲盜義縛以獻太宗壯
之積勞改西頭供奉官決獄淮南諸州淳化中督洛南採銅雷
有終稱其心計遣監典國軍茶務楊允恭又薦掌真州權務尋
提點淮南西路茶鹽得羨餘十餘萬擢閤門祇候江淮制置茶
鹽礬稅歲增錢八十三萬真宗面加慰勞改內殿崇班兼制置
荆湖路江南羣盜久爲民患義討捕皆盡領發運使改供備庫
副使歲增權酷十八萬會歲旱以爲刻下詔罷之景德初知江
陵主舉官不如狀削秩復起爲染院副使監宿州軍又爲供備
庫使充廣州鈐轄鎮撫澄游官兵移知蘇州改崇儀使提舉在

京諸司庫務遷內園使知泉州卒年六十四義知書好為詩喜
賓客頗有士風屢以材幹筦財貨精勤練習號為稱職
郭載字成熙浚儀人父暉右監門衛將軍義州刺史載以蔭為
右班殿直遷供奉官閤門祇候雍熙初提舉西川兵馬捕盜事
賜鞍馬器械銀錢以遺積勞加崇儀副使還言川峽俗多贅婿
死則與其子均分財產故貧者多詔禁之端拱二年遷引進副
使知天雄軍俄同勾當三班出知秦州兼沿邊都巡檢使先是
巡邊者多領兵騎以威戎人所至煩苦載悉減去戎人感悅
西上閤門使知成都行至梓州李順亂有日者潛告益州必
公往當受禍少留數日可免載怒曰吾受詔領方面今臨危迫
豈敢遷延即日入城順兵攻城益急度不能守率僚屬斬關出
以餘眾趨劔門隨招安使王繼恩統兵討順平之復入城門餘

兵亂平賊後亦有所全濟多歎惜之

晉初補牙職出掌滑州廩庾景延廣留守西洛署為右職

陝帥白文珂薦於周祖補世宗京府要職即位擢軍器庫使

高平有功遷客省使知青州從向拱西征為行營都監秦鳳

肅知秦州歷鳳陽河中二府遷內客省使宣徽北院使知開封

肅專恭帝加檢校太傅與宋祖同事情好款洽受禪加太尉征

澤潞命赴澶州巡警師還權知鎮州加左領軍衛上將軍建隆

二年權知澶州拜義武軍節度使卒年五十九贈太師諡明敏

有節槩篤於行義晉宰將亡延廣委其族自洛赴難為遼人所

執僚吏部曲悉遁居澶獨力保護家賴以安嘗薦沈倫純謹可

用後至宰相世稱其知人子惟質內園使弟居濟水部員外郎
祚符三年錄其孫建中爲三班借職其父自爲人
張美字玄珪貝州清河人少善書計與觀城人王贊俱爲小吏
祖知學問以幹敏聞三司薦奏特補美左藏庫專知出爲澶州
糧料使世宗鎮澶淵每有求取曲爲供給周祖怒徙美濮州馬
步軍贊澶州馬步軍皆都虞候世宗每旬決囚贊引律令辨折
中理卽署右職補東頭供奉官卽位名美爲樞密承旨右領軍
衛大將軍三司使贊爲右驍衛將軍三司副使上問京城衛
歲廩幾何美不能對贊代奏甚悉征淮南及北征皆留美爲
內部署兼都點檢贊爲客省使領河北諸州計度使師還美爲
左監門衛上將軍宣徽北院使仍判三司疆力有心計周知利
府每有所釐革條奏多可之時連歲征討糧餽不乏深所倚
宋初加檢校太尉預度上黨李筠有異心
軍十萬出太行經費無闕美有力焉拜定國軍節度使乾德
年移鎮滄州太平興國初來朝改左驍衛上將軍致仕卒年
十八諡恭惠子守瑛供備庫使孫士宗內殿承制士禹崇班士
安閣門祇候士宜禮殿副使 贊所至發奸擿伏無所畏忌自
五代以來姑息藩鎮有司不敢繩以法及是振舉綱領號爲
大祖素知贊材幹平李重進令知揚州行日舟覆溺死甚爲
差悼葬以絹麥各三百

趙玘澶州人家富於財晉天福中納粟助邊補集賢小吏調濮
州司戶叅軍刺史白重進欲試以事因授滯獄使爲平決悉
理連辟號成二州從事秦成階三州觀察判官顯德初爲
刺史歷汝密澤三州建隆中入爲宗正卿乾德初復刺秦

左監門衛大將軍判三司素性狂躁忤直多忤上旨太祖頗
優容之嘗廉得趙普私市秦隴大木潛以聞上然懼普知求解
職疏留中不出批不勝忿踰年伺普入朝馬前揚言其短上召
同面質因大言詆之上怒黜為汝州牙校卒年五十八

李溥河南人初為三司小吏陰狡多智數時天下新定太宗屢
精政事嘗論及財賦欲有所更革引三司吏二十七人對更
問以職事溥詢其目退而條上七十一事詔以四十四事即
行之餘二十七事下三司議可否復遣知雜張秉中使張崇
監議令中書專檢舉之無致廢格因語輔臣呂端曰朕嘗論陳
惡金穀利害溥等自幼至長寢處其中必能究知本末宜假以
顏色諒令開陳必有所益而怨等強復自川莫肯詢問因命
書之賜錢幣擢溥左侍禁提點三司孔目官請書內外官

軍俸祿為定式加開門祇候催運陝西糧草赴清遠軍還提舉
在京倉草場勾當北作坊齊州大水壞民廬舍欲徙州城未決
命溥往視果徙之還使陝西歲增酒權緡錢二十五萬三遷崇
儀使景德中東南茶法弊命制置江淮等路茶鹽禁稅為發運
副使與林特劉承珪更定歲入茶視舊頗增五百七十餘萬斤
募人入金帛京師入芻粟塞下數倍其直遷為使歲運江淮米
輸京師增至六百萬諸路猶有餘畜舊用使臣或大將人掌一
綱時多侵盜溥併三綱為一以三人共主之使更相伺察祥符
九年失纜二百石漕舟東下還過泗州又令載石輸高郵新開
湖積為長隄自是舟行無患累遷北作坊使會建玉清昭應宮
盡括東南巧匠詣京凡多致奇木惟石以傳會帝意建安軍鑄
玉皇聖像又令為都監領順州刺史獎州團練使遷宮苑使溥

本起吏徒。貪鄙既久，專利權寢，為不法。薦豪民于謙縣尉陳齊前，論茶法任以京官。又黨於丁謂，人畏之無敢言者。發運使黃震條其罪狀發奸賊數十事，罷知潭州。貶忠武軍節度副使仁宗起知淮陽軍，厲光賁二州復以賊敗死。

張質字守朴，高唐人。少孤，養于兄贊，為樞密院典謁質，因得隸兵房。為趙普曹彬所知，太宗征河東還，駐鎮陽，兵籍阻留在後，日夕有所調發質，潛計兵數，部分軍馬得籍較之，悉無差謬。累遷本房副都承旨，咸平初授左監門衛將軍，樞密吏職繁多，皆以年勞次補。有至主事而有於其職者，景德三年內出公事三條，令主事以下詳決之，質與禮房副承旨尹德潤宿御書院考第翌日上親臨閣視凡經選補崇班供奉官奉職者十餘人，不中武四十餘人，加質月俸，後歷右屯衛右神武軍右衛三大將。

其子大理評事純，衛尉寺丞孫思道三班奉職。年練習事程精敏，端慤未嘗有過。上嘗召問五代以降汨國初軍籍更易之制，且命條具利害，纂為三篇，曰：兵要以進，上覽而稱善。質好養生之術，老而不衰，多接隱人，方士然語不及公事。每大祀巡幸，多領行宮巡檢提點供頓之務。卒年七十四，錄其子大理評事純，衛尉寺丞孫思道三班奉職。

樂崇吉字世昌，封丘人。少為吏部令史，上書言事，調補臨淄主簿。俄為令復以書判優等留為中書刑房，改右贊善大夫出掌揚州權務。未幾遷殿中丞兼提點五房公事，明習文法，清白勤事。至道初擢度支員外郎，轉副使，加祠部郎中。真宗擢江南轉運代還，後遷司農少卿，知洪州。有司歲斂民財，造舟崇吉奏罷之，尋徙濠州，以將作監致仕。卒。子二源，虞部員外郎，沂中丞。

事至後... 弘簡錄卷一百五十九

明刑部員外郎仁和弘齋邵經邦學
皇清翰林院待講學士四世孫遠平校閱

庶官 宋六之四

王顯 子希逸 柴禹錫 趙銘 張遜 楊守一 王延德 又程德玄

盧斌 張熙 陳從信 侯莫陳利用 張平 子從吉

王繼升 子昭遠 尹憲 王賓 安忠 戴興

王漢忠 張凝 李重貴 劉用 耿全斌

元達 王能 魏能 陳興 王榮

楊瓊 周瑩 傅潛 張允 郭密 傅思讓

王顯字德明開封人家世本儒遭亂失業初為殿前司小吏事
都點檢張永德太宗居藩與弭德超給事左右性謹介不好狎

未嘗足踐市肆太宗卽位遂有寵累補殿直遷軍器庫副使東
 上閣門使忿曹彬任樞密使思代其位會上念邊戍勞苦月加
 賜資謂之月頭錢德超以急變聞于上曰臣從鎮州來聞士卒
 言月頭錢彬恩所賜微彬幾餒死矣其得士心久將為不利上
 心疑之亟命出彬而除顯宣徽南院德超宣徽北院並兼樞密
 副使未幾進顯樞密使賜以道德坊宅一區並軍戒二篇諭曰
 既典機務無暇博覽但能熟此亦可免於面墻同列趙昌言寇
 準頗易之無何上知德超之譖復還曹彬黜顯為隨州刺史充
 崇信軍節度觀察留後除知永興軍徙延州上疏言夏臺益部
 寇擾宜謹屯戍固城壘積芻糧遴才勇付以邊任縱有緩急備

香彼奚能為我患哉時制沿邊糧斛不許過西河西青

為差別輕重遠近便之移知秦州盧知翰奏

先時蕃部獻地雖朝命給還而採伐如故請量給餘額以潤其
 直詔遣張從式同往規度顯言乃者因趙保吉脩貢邊城惟務
 安靜今無故動衆誠為非便議遂寢咸平初入朝授橫海軍節
 度使移知鎮州曹彬卒復拜樞密使二年郊恩加檢校太師與
 副使宋湜從真宗幸大名三年改山南東道同中書門下平章
 事定州路行營都部署河北都轉運使兼知定州明年加鎮定
 高陽關三路都部署許便宜從事契丹入寇前軍過威武比時
 方積雨契丹弓弩濕緩因大破之梟名王貴將十五員獲羽林
 印二鉅斬首二萬級手札慰諭改河陽三城節度使時議親征
 顯上言盛寒在序敵未犯塞况今繼遷未滅西鄙不寧儻北邊
 相與結援則中國之患未可量也若能選將練卒堅城繕甲亦
 足待敵必欲復燕薊舊地則脩文德養勇銳伺時之利以奉行

天罰而後可景德初徙知天雄軍上親征復陳三策已而契丹請盟德明脩貢加以賞賚許通青鹽皆其請也三年冬被病車駕上不得一拜詔中使偕尚醫療視遂卒年七十六駕已

宮苑使鄧永遷馳還護喪贈中書令顯齶自固下時因攀附不數年遂正樞任獎擢之速時無比

者

宣制拜使相鎮孟津承德兼大夫友在其下舉

子希逸字仲莊幼好學聚書萬卷尤熟唐史以蔭補

煥秩授朝奉大夫太子中允咸平初改殿中丞直史館

元龜加祠部員外郎希範至如京副使德超滄州

補供奉官遷酒坊使歷杭州兵馬鎮州駐泊都監

居同官柴禹錫下怏怏不樂語多怨望云上無執守

惑顯密以告上怒使滕中正就第鞫問伏辜詔奪官

職并家口配隸瓊州

柴禹錫字玄圭大名入自少質敏不凡留

學以善應對給

事晉邸太宗卽位授供奉官服勤職業改

仍掌翰林司每夜直多召訪外事遷宣徽

仍掌翰林司每夜直多召訪外事遷宣徽

使與趙鎔張遜

揚守一皆以告秦王廷美陰謀乘時避會

通顯擢樞密副

使與鎔同掌機務踰年轉南院使賜第寶

時廣宮城禹錫

有別業在表識內因請以易官邸上意薄

不與宰相宋琪厚

善琪為轉請虛多遜故第上意其交通不

言王延範忠勤

禹錫從旁贊之上疑其朋比下詔切責

衛大將軍出知

滄州在任以勤政加涪州觀察使徙澶

州駐泊部署知

路州徙永興軍州乞留詔獎之再召為宣徽北院使知樞密

院事至道初罷為鎮軍節度使知涇州入謝上面諭故事不

過授防禦使今特加優異委卿旌節兼之重鎮禹錫流涕哽咽
咸平中移知貝州契丹兵奄至內嚴備禦寇尋引去明年徙陝
州未幾卒年六十二贈太尉子宗慶尚主宗亮太子中允趙
鎔初名容字化鈞滄州樂陵人少涉文史美書翰以刀筆委質
晉邸勤謹被眷卽位爲改今名補東頭供奉官爲吳越國信使
及納土又令檢校帑廩遷六宅使領羅州刺史掌翰林司轉東
上門使與參政郭贄有舊請託不行撫其堂吏過失以聞贄
見上白其事召鎔廷辨詞屈出知梓州兼兵馬部署在郾完城
塹嚴戰具寇至境聞有備引去遷左神武大將軍本州鈐轄徙
知廬州願留不允踰年召爲樞密都承旨同掌三班院拜宣徽
北院使同知樞密院至知院事遣吏卒京城察事至誣賣書人
韓玉抵法人宗尋知其寃後廉事不聽真宗改南院使檢校太
傅以心疾求解授壽州觀察使卒年五十五贈忠正軍節度使
生平好佛多蓄古書畫三子忠輔西京左藏庫副使忠愿虞部
員外郎忠厚內殿崇班

張遜博州高唐人少孤養於叔父職方員外郎幹後隨母歸魏
仁浦自幼隸晉王帳下小心謹慎卽位補左班殿直征太原還
遷文思副使至香藥庫使奏言嶺南平後諸蕃國入貢歲通關
市犀象香藥充溢府庫請於京師置權易署聽商人入金帛市
之歲可獲錢以濟經費詔允之歲中得三十萬緡後日增羨至
五十萬雍熙二年錄其勞領媯州刺史三年轉東上閣門使數
月卽除度支使端拱初遷鹽鐵使明年授宣徽北院使簽書樞
密院事未幾兼副使知院事與寇準不協奏事頗相矛盾準與
溫仲舒晚出朝門共轡同行有狂民迎馬首呼萬歲遜令所善

街使王賓奏斥準準因自辨互發其私上惡之下詔切責降遜
右領軍衛將軍判右金吾街仗討李順命備荆渚要害授右
衛大將軍知汀陵賜錢二百萬白金三千兩既至有峽路漕
卒數千相聚謀變將以應蜀遂捕斬首惡楊承進等二十一人
餘黨慰撫配隸州郡詔嘉之卒年五十六贈桂州觀察使子敏
中補供奉官改秩換大理寺丞至比部郎中虛中娶宗室申國
公女至供奉官閤門祇候孫先進士及第 楊守一初名守素
字象先河南人唐末避亂徙家宋鄭間稍通周易及左氏春秋
事晉邸累年質直勤謹無他材術卽位補右班殿直太平興國
中出護登州兵召還監儀鸞司遷西頭供奉 以環衛多貴
族子弟頗豪縱命置三班院令專其事考覈 漸有條制歲
餘改翰林司擢東上閤門使兼樞密都承旨 四方館事雍

熙中詔護遷雲朔歸附安慶兵屯于潞州三年轉內客省使

拱元年授宣徽北院使簽書樞密院事卒年六十四贈太尉節
終之禮幸加常數子安期國子博士孫夢得進士及第
王延德同時有二其一開封東明人曾祖定濮陽令祖璋相州
錄事叅軍父溫遭契丹亂率鄉豪捍蔽境內里人德之宣祖掌
畿甸兵與溫厚善時延德方總角愛其謹重名置左右太宗尹
京署爲親校專主庖膳尤被倚信卽位授御厨副使遷正使從
征太原加尚食使賜浚儀縣壽昌坊第宅一區俄領蔚州刺史
兼武德皇城司御葦院左藏庫凡領五印懇讓始罷左藏御厨
又兼充親王諸宮使以舊恩每延訪外事延德謹慎不言端拱
初轉本州團練使後當進秩特置昭宣使以寵之與杜彥鈞同
領至道二年加平州防禦使真宗改懷州永熙陵復土提點緣



路供頓咸平初出知華州俸給優厚從其請罷昭宣使幸大名

為東京舊城節巡檢使風痺告還本郡卒年六十四贈邕州觀

察使所至撰集近事有司膳錄皇城紀事南郊錄版築記又有

承熙皇堂錄山陵提轄諸司記治郡復有下車奏報錄纂修實

錄多以訪之乃上南宮事迹三卷子應昌莊宅使端州團練使

其一大名人承給事晉郎即位補殿前承旨遷供奉官遣與

殿前承旨白勳同使高昌國自夏州渡河經沙磧歷伊州望北

庭萬五千里雍熙二年使還撰西州程記以獻授崇儀副使轉

正使掌御厨出知慶州淳化三年代還命監折傳倉延德本以

攀附得官傾險好進與宰相張齊賢善求免監倉齊賢為言之

上怒召詰延德諱言未嘗請宰相上疑齊賢不實齊賢亦不辨

頓首稱罪乃出延德領懿州刺史五年提點三司磨勘悲由司

未幾拜左屯衛大將軍世密都承旨俄授慶州使真宗轉左千

牛衛上將軍仍充使以出痺出為舒州團練使知鄆與青州坐

市物有剩利降左武衛將軍乞骸復上將軍致仕卒年六十八

兄延之乾德六年進士至屯田郎中

程德玄字禹錫鄭州滎澤人素善醫太宗尹京召置左右署押

衙頗親信用事太祖大漸之夕德玄宿信陵坊夜有扣關突呼

趣赴宮邸者德玄遽起不暇盥櫛詣晉王府方三鼓府門已閉

有頃內侍王繼恩馳至稱遺詔迎太宗即位德玄因從以入拜

陝府西南轉運使車駕幸魏府命總御營四面巡檢掌給諸軍
資糧言者論其交遊太盛出為崇信軍行軍司馬踰年復拜慈
州刺史移知環州時西鄙酋豪相繼內附詔付以空名告救百
道得便宜補授淳化三年復改本州團練使知邠州討李順移
知鳳州兼領鳳成階文等州駐泊兵馬事徙慶州咸平中入朝
真宗命坐撫勞訪以邊事出知并州兼并代副都部署移鎮州
代歸卒年六十五贈鄆州防禦使兄德元同仕王府至內酒坊
副使子贊祥符五年進士累遷太常博士孫繼宗東頭供奉官
閣門祇候繼忠內殿崇班

盧斌開封人初以筆札事晉邸太宗卽位補殿直雍熙中領兵
屯霸州隨曹彬北征既克涿州令斌以萬人戍守會食盡大兵
將還斌言涿州地在北境外無援兵內無資糧終不能守彬以

為然乃令斌擁城中老幼並狼山南還易州斌又言還師之日
遼人必乘便剽襲宜為之備彬不能從諸將果以失律坐譴
聞斌嘗建議詔釋不問除霸州緣邊巡檢使端拱中改永興軍
華州巡檢大賊侯和尚劉渥劫興平櫟陽斌率兵襲之且追且
鬪薄南山渡渭水直抵鳳翔擒斬略盡以勞改供奉官閣門祇
候賜白金緡錢衣帶尋為梓遂十二州都巡檢使太宗諭以川
陝人情易搖許便宜從事淳化二年賊任誘等寇昌合州斌率
兵頓昌州南午鬪山偵知賊在龍水鎮冒大雨馳四十里遂斬
誘等賊衆悉平三年又追降富順監蠻酋甫羌一阿奴綢諭以
朝旨歃血為盟而遣之俄本監及榮戎資州賊復鈔鄉邑斌擒
三百人部送闕下四年賊王盡復起斌又擊滅之遷內殿崇班
討李順率兵六百抵成都連月戰鬪殺賊數萬人明年成都不

守斌復還梓州集十州兵赴援知州張雍委以監護之任會汪水溢毀子城諭州民集畚鍤自城西掘大濠決水注之負土塞南北門爲固守計賊二十萬傅城下城中兵纔三千斌感厲士伍乘間突出與戰三十餘合賊稍却會王繼恩令石知顯率兵來援斌出東門迎勞賊不戰而潰乘勝追斬及納降至二萬餘賊復圍閬州斌領千兵赴之破五千人圍遂解又至蓬州老鴉山擊敗賊衆三千抵城下賊復大集斬三千級蓬州平傳詔安撫蓬閬渠達四州擢西京作坊使領成州刺史斌在州陝六年以孤軍禦寇累立戰功既而賊黨集梓綿漢三州境上斌復往平之代還太宗親加勞問拜東上閣門使檢校左僕射加食邑三百戶賜白金袍笏金帶上言葭萌路直通利州若寇焚棧道劔門之險不足爲固請建立砦柵從之尋轉銀夏兵馬鈐轄會

五路討李繼遷斌求對言羌人馬騶六骨往來無定不若修堡

靈州多積芻糧敵至會兵首尾擊之庶外無杜費內不失固圉之策不從改授靈環鈐轄領兵二萬爲先鋒斌不俟詔自環州橐駝路往與諸將失期不見賊而還徙屯寧州以疾名歸勾當軍頭引見司卒年五十子文質殿中丞

張煦字輔暘開封人開寶末補晉府牙職太宗尹京嘗事左右雍熙二年自陳命爲殿前承旨遷殿直監歙州軍凶人黃行達弟坐法抵死誣州將故入詔煦與宣州通判姚鉉同鞫即日決遣還擢供奉官歷鎮定邢趙都巡檢使契丹剽境上煦率所部擊走之葛霸周瑩李繼宣咸稱其材幹詔書嘉獎代還拜供備庫副使權知環州數月改岢嵐軍使移知保安軍討王均爲綿漢劔門都巡檢使主攻成都東砦焚其郭及樓堞均突圍而遁

弘簡錄 卷一百五十九
事平就遷正使徙益州都監與知州宋大初同提總本路諸軍
事有戰艦卒謀亂煦捕斬之夏人寇邊改四路都鈐轄兼安撫
都監累躡寇營掩殺甚衆詔獎之命監西路行營與王超秦翰
共援靈武至鎮戎聞城已陷乃引軍還又與張凝出白豹鎮至
柔遠川夏人邀戰會慶州監軍張綸擊殺甚衆凝按部道歸爲
敵所邀煦自慶州赴之射殺其大將景德初命副曹利用爲廣
東西路安撫使平宜州陳進改如京使知懷州東封遷文思使
知曹州權河陽鈐轄會江淮災復爲江南西路安撫都監累遷
西上閤門使徙并代鈐轄以老疾求近郡知磁州卒年七十三
煦能明術數善相宅時稱其妙

陳從信字思齊亳州永城人素以恭謹精心計事晉郎官累右

知密州衙令典王宮財用事無大小悉以諮焉開寶三年三司

漕運太祖大怒三司使楚昭輔懼詣晉府求寬王召從信問計

對曰從信嘗遊楚泗知糧運之患良由舟人廩食日歷郡縣

給是以遲滯若計往復日期併與支給可以責其程限又楚泗

運米至京復輦入倉宜宿備運卒卽時出納如此每運可減數

十日舊制一歲三運若去淹留之虛日計歲可增加一運矣今

三司欲籍民舟不許則無以責辦盡許之則至冬京師薪炭殆

絕不若募舟之堅者任漕糧其損敗者載薪炭庶幾公私俱濟

又市米所以騰貴者因官價賤買人失利不至居商亦匿而不

糶故米益貴宜聽民自便卽四方奔湊者多價自賤矣明日具

奏可之事果成集太宗卽位遷東上閤門使充樞密都承旨會

八作副使綦廷珪以疾在告假滿不落籍愈日不朝叅從信坐

責授開府使閣門祗候太平興國二年改左衛將軍復爲承旨
征并汾充大同副部署因秦王事罷明年分三司爲三部授從
信度支使賜浚儀寶積坊第加右衛大將軍卒年七十三贈太
尉生平好方術有李八百者自言八百歲從信事之甚謹冀傳
其術竟無所得又成都人侯莫陳利用幼得幻術賣藥京師專
言黃白事惑人從信薦之太宗召見試其術頗驗授殿直遷崇
儀副使累遷至鄜州團練使前後賜與甚渥依附者頗獲進因
日漸橫恣居處服玩僭擬乘輿人畏之不敢言宰相趙普以聞
上遣近臣案實上猶欲庇之普固請除名配商州籍其家詔復
還之普恐其復用令殿中丞竇誣上書言用昔監鄜州嘗南
向坐以接京使犀玉帶悉用紅黃羅袋澶州黃河清川爲詩題
試舉人判試狀言甚不遜京西運副宋沆又進其家所獲書數
紙言皆指斥乘輿上始大怒令中使繼殺之


張平青州臨朐人弱冠寓單州依刺史羅金山署馬步都虞候
太宗尹京置邸中及秦王領郡署爲親吏有譖匿府中錢物者
王白鞫之無狀因不喜遣去太宗憐其非罪以屬徐帥高繼冲
署爲鎮將卽位名補右班殿直監市秦隴木更立制度建都務
計水陸之費以春秋二時聯巨筏自渭達河歷砥柱以集于京
期歲之間良材山積上嘉其功遷供奉官監陽平都水務兼造
船塢舊因河流湍悍凡調三戶共守十舟歲役數千戶至平穿
池引水繫舟其中不復調民有寇陽拔萃者往來關輔間積年
爲患朝命內侍督數州兵討之不克平遣人以好辭說降改崇
儀副使仍領務凡九年計省官錢八十萬緡雍熙初召還同知
三班院事遷如京使連擢西上閣門客省鹽鐵三使以陝西轉

運李安發其舊事憂恚成疾而卒年六十三贈右千牛衛上將軍平寬厚不念舊惡性好書史微時盡日耽玩及貴聚書數千卷嘗嘆秦王事始雖命蹇後未必不為福已而果然子從式亦事晉郎累官文思使從吉蔭補殿直轉供奉官知宜州屢破溪蠻陳堯叟上其狀遷內殿崇班閤門祇候在任八年代還為如京副使咸平中知環州嘗與宋沆率兵襲西夏小劔部署張凝表其專責授崇班俄知澧州復舊秩命副曹利用討宜州陳進斬首六十級改莊宅副使未還卒年四十九

王繼升冀州阜城人性純質謹愿自太宗居藩信任之補供奉官累遷軍器庫副使陳洪進納土以為泉州兵馬都監會游洋洞民萬餘叛攻城繼升率精騎夜擊破之擒其魁械送闕下餘黨悉平召還遷軍器庫使領順州刺史知諸道陸路發運事進

熙四年併水陸發運為一司命掌其事號為稱職遷右神武將軍

端拱初領本州團練使卒年六十四贈洋州觀察使子昭遠形質魁偉色全黑人呼為王鐵山有臂力善騎射少時遇里中祀神眾方博昭遠適至禱曰他日儻有節鉞六齒皆赤一擲果然遊京師與弟昭懿皆事晉郎特被親遇即位補殿前指揮使遷都知征太原先登為流矢所中血漬甲縷戰益急劉繼元降命守城門籍兵仗從征范陽又多所擒獲超散員指揮使領寰州刺史改馬步軍都軍頭命乘傳鎮定高陽關募兵以備契丹尋為冀州駐泊都監授澤州團練使洺州都部署太宗彙稱其能嘗草書紈扇作詩賜諸將於昭遠尤加賞遷端拱初召為殿前都虞候領勤州防禦使二年領沙州觀察使再為并代副都部署至道中為靈州都部署護二十五州芻粟達靈武繼遷



不敢犯真宗徙定州行營未幾拜保靜軍節度使充天雄軍都
部署知府事咸平二年移知河陽卒年五十六贈太尉諡惠和
昭遠頗知書性吝嗇所至無善政 昭懿至捧日都虞候昭遠
西京作坊使孫懷普九歲侍太宗左右至西京左藏庫使平州
刺史懷一供備庫副使懷正內殿承制懷英內殿崇班

尹憲晉陽人開寶中事太宗藩邸卽位擢殿直充延州保安軍
使改供奉官太平興國四年護府州屯兵與鄜州三族會攻嵐
州破敵千餘擒僞知州馬延忠拔緣河諸砦以功轉西京作坊
副使入朔州界破寧武軍殺其軍使獲人馬器甲甚衆轉供備
庫使護夏州兵殺戮三汭醜奴莊岌伽羅臧葉十四族及誘其
渠帥屢降詔書褒美雍熙初就知夏州攻破地斤澤李繼遷遁
走俘獲四百餘帳憲奏請抽移諸帳於所部別置騎兵號曰平
砦以備用詔從之俄殺蘆關及南山野狸數族諸族遂擾代還
爲洪州巡檢未幾命護莫州屯兵三年詔知瀛州兼兵馬鈐轄
領富州刺史遷東土閣門使端拱二年歷滄邢二州皆兼鈐轄
淳化初爲四方館使連護鎮定屯兵改知貝州移高陽關鈐轄
五年知定州與部署王榮不協榮毆憲什地因邑邑致疾卒年
六十三

王賓許田人小心謹愿年十餘事宜祖左右及長善騎射太祖
命署晉府右職太平興國初補東頭供奉官監亳州軍時監軍
不許挈家賓妻妬悍嘗擅至亳賓具白上太宗召其妻杖之至
死遷儀鸞副使領內酒坊從征太原范陽與劉遇攻城東面軍
駕北巡佐王仁贍爲大內副部署改洛苑使會汴漕壅滯軍食
不給詔別置水陸發運兩司以賓有心計命與許昌裔同掌其

事凡四年儲積增美號為稱職加領濱州刺史改右神武將軍
張遜薦護黎陽軍兼領黃御兩河發運進本州團練使黎陽當
舟車交會禁兵常屯萬餘賓請建通利軍就命知軍事規起公
署郵館供帳咸具加本軍大將軍兼河北水陸轉運使貝州兵
屯無壁壘分寓邸肆賓選隙地築舍千二百區以處之優詔褒
美召入為右羽林衛大將軍判左金吾兼六軍諸衛儀仗事淳
化四年出知揚州兼淮南發運使徙為通許鎮都監卒年七十一
七賻贈加等凡事二祖一宗殆六十年最為勤舊恩寵尤異前
後賜賚數千萬俱奉釋氏

安忠洛陽人祖叔于仕晉任方鎮以太子太師致仕父延韜在
清道率府率忠形質魁岸不知書纔通姓名而已事晉邸

十年即位授東頭供奉官弓箭庫副使西京作坊使掌翰林

內衣庫提點醫官院護屯兵于雄州當拒馬河收後忠分若兵

布列緣邊以備遊騎徙威武軍隸鎮定路之左廂又繫河并城

壁以勞擢東上閣門使與大將李繼隆田重進追契丹兵于祁

州北詔書獎飭端拱初移護高陽關屯兵契丹侵鎮定忠與崔

翰拒之傅潛陣于瀛州忠當城之西面三年徙知壽州移貝州

捕獲劇賊十二人淳化四年改左龍武軍大將軍忠泣言諸衛

將軍列在外朝不得近左右願復舊職上笑曰環列之尹古官

也大將軍三品汝何不知因從其請復閣門使充淮南諸州兵

馬鈐轄以病歸至泗州卒年六十四錄其孫惟慶為殿直

戴興雍丘人父延正兄進皆力田興自幼以勇力聞及長身長

七尺美髭髯眉目如畫詣晉邸求見奇之留帳下即位補御馬

左直遷直長轉御龍直副指揮使征太原先登中流矢補弓箭

直都虞候父亦授諸衛將軍進天武軍使興領嚴州刺史改天武左廂都指揮勝州團練使雍熙三年爲侍衛步軍都虞候雲州防禦使契丹擾邊命興屯澶州以備非常改本州觀察使充天雄軍副都部署端拱初遷步軍都指揮使領鎮武軍節度使賜襲衣金帶鞍馬歷澶州都部署殿前副都指揮使出帥鎮定二州時盜賊羣起五巡檢兵討之不克興陰勒所部潛出擊之擒戮殆盡未幾徙高陽關遷殿前都指揮使改節定國軍賜白金歲給錢七百萬淳化五年又改定武軍加給錢千萬西北未平徙夏州路行營都部署知州事從五路討李繼遷深入不見賊聞帝崩急赴國哀坐擅離所部左遷領軍衛上將軍咸平初兼判左金吾街仗出知京兆府卒贈太尉遣中使護喪歸葬錄其子永和永豐

王漢忠字希傑彭城人少豪蕩有膂力形質魁岸善騎射高繼冲召不往見太宗于晉邸奇其材力留置左右卽位補殿前都指揮使累遷內殿直都知征太原先登流矢中眸戰益急上壯之遷東西班指揮使太原降漢忠以所部安撫城中師還改殿前左班三遷右班都虞候領涿州刺史雍熙中改馬步軍都軍頭端拱初出爲賓州團練使歷冀貝二州部署徙天雄軍二年入爲侍衛馬軍都虞候領洮州觀察使高陽關副都部署合諸軍擊敗契丹斬馘甚衆淳化初徙定州五年遷殿前都虞候真宗自中山召歸俄復出爲高陽關都部署領威塞軍節度使咸平三年移涇原環慶兩路兼安撫使遷侍衛馬軍都指揮鎮定高陽關三路都排陣使契丹掠中山幸諸將陣于野契丹遁追斬甚衆獲其貴將加殿前副都指揮使改節保靜軍五年會罷西

面經略命爲邠寧環慶兩路都部署委以分道控制李允正宋
沅兵二萬五千人坐違詔無功責左屯衛上將軍出知襄州未
上道暴卒贈太尉錄其子內殿崇班從吉爲閤門祇候從政從
益爲左右侍禁漢忠性剛果輕財樂施有識略好讀書頗能詩
喜儒士待賓佐有禮每行師號令甚肅犯者無所寬貸故所部
無盜

張凝滄州無棣人少倜儻武力自任與鄉人角勝負約築土百
步射之凝一發洞過矢激十許步抵大樹而止觀者歎服節帥
張美壯之太宗居藩聞其名以隸親衛卽位補殿前指揮使稍
遷散員都虞候淳化初以材幹授洛苑使領繡州刺史賜襲衣
金帶每頒賚必異等出爲天雄駐泊都監移貝州改高陽關行
營鈐轄真宗加莊宅使遷北作坊使咸平初與契丹戰挺身陷

敵子昭遠年十六單騎疾呼突入陣中挾凝以出左右披靡不
敢動明年遼兵大至凝與范廷召分據莫州東斷其歸路敵宵
遁縱兵擊奪盡還所掠資口徙鎮定高陽關前陣鈐轄遷趙州
刺史四年召還爲邠寧環慶靈州路副部署兼安撫使時斥堠
數擾運使劉綜懼飛輓不給問計於凝凝曰今當深入因敵資
糧不足慮也乃自白豹鎮率兵入敵境生擒賊將燒蕩三百餘
帳取芻糧八萬斛斬首五千餘獲牛馬器甲二萬降九百餘人
因襲破慶州蕃族胡家門等又八州原分水嶺柔遠鎮熟戶與
生羌錯居頗爲誘脅凝引兵降峇都等百七十餘族合四千戶
邊境獲安就加寧州團練使景德初遷本州防禦使代楊嗣爲
定州路行營副部署徙保州駐泊兼北面安撫使時總帥王超
以大兵頓中山議擇凝與魏能用敏楊延昭分握精騎深入幽

易以牽敵勢。超請悉隸所部。上不許。曰：朝廷本設奇兵，撓敵心，腹若復取，裁大將無以責效。魏能逗撓不前，衆憤皆責讓，能凝獨無言。徐曰：能麤材，剛愎可優容之。若令心不自安，非計也。上嘉其有識。車駕幸澶淵，凝率衆抵易州，爲緣邊安撫使，提兵躡契丹。後敵不敢肆，復改高陽關部署。明年，就加殿前都虞候。卒凝忠勇，自負好功名，累任西北善訓士，卒繕完器仗，前後賞賜多以犒師。京師無居第，上悼惜之，贈彰德軍節度遣中使護喪，官給葬事，厚卹其家。昭遠擢左班殿直，西上閤門副使，出知定瀛雄三州，歷官至左龍武衛大將軍，卒，贈應州觀察使。

李重貴，孟州河陽人，姿狀雄偉，善射事壽帥王審琦，頗見親信。妻以甥女，補合流鎮將，諜知羣盜潛謀，入劫，卽夜築柵，課民習射，盜聞潰去。太宗居藩，知其勇幹，召隸帳下，卽位補殿前指揮使，累遷龍衛左第四軍都指揮使，領河州刺史，改捧日右廂營。州團練使至道二年，爲麟府濁輪砦都部署，賜以御劔，得對便殿。因言：繼遷居沙磧，逐水草，畜牧無定，便利則進，不利則走。今聞五路齊出，彼必遠遁，欲追則人馬乏食，將守則地無堅壘。臣輩何顏以見陛下！旣而諸將果無功，還改并代副都部署。真宗加本州防禦使，徙高陽關行營。咸平二年，契丹南侵，議屯兵楊疇，先鋒張凝遇敵，重貴率策應兵酣戰，全軍而還。康保裔已覆重貴，復引兵赴援，腹背受敵，自申至寅，力戰退敵。時諸將頗失部分，重貴獨以全軍還。屯上功，進階，與食邑。嘆曰：大將陷沒，吾曹何面目復計功耶！徙知貝州，召見勞問，改滄州駐泊副都部署，兼知州事。連爲邢州、天雄軍二部署。又知冀州，幸澶淵，召還爲大內都部署。明年，出知鄆州，以疾授左武衛大將軍，潘州防

禦使致仕卒

劉用相州人祖萬進河中馬步軍都指揮使父守忠左驍衛大將軍用曉音律善騎射事晉邸卽位補軍職累遷散都頭都虞候端拱初爲馬步軍副都軍頭領涼州刺史鎮定招安使轉捧日都指揮使討李順爲西路行營鈐轄賊平改刺祈州至道初爲河西烏白池都鈐轄斬首千餘級奪馬五百疋改高陽關并州副都部署真宗加本州團練使咸平中徙貝與瀛州時烽堠數驚用建議益邊兵俟契丹南牧卽率驍銳出東路以牽制其勢因圖上地形上召宰相閱視可其奏且令轉運使於保州威武靜戎順安軍預備資糧六年命將三路出師用與劉漢凝田思明領兵五千由東路會石普孫全照犄角以禦契丹未幾換鎮州景德初移邢州車駕北征以城守勞進爵邑歷知齊陳潞

三州祥符二年卒

耿全斌冀州信都人懷順軍校顯子少豐偉善左右射顯携謁陳搏許以藩屏值顯戍西蜀全斌往省乘舟沂江大風失纜漂七十餘里舟忽泊岸人頗異之游京師以材武自薦得名試遂隸晉邸卽位補東班承旨稍遷驍猛副兵馬從征太原還遇契丹于蒲陰追擊至徐河因據水口要害遷補日騎副兵馬使歷雲騎軍使屯瀛州與契丹戰所乘馬連中流矢死凡三易馬戰益力敵引去端拱初又擊敗蕃部于宥州累進殿前左班馬步軍都軍頭在軍中多稱其能真宗嘗召問邊事口陳利害稱旨因謂輔臣曰觀其詞氣若有志操宜試之邊郡遂拜雄州刺史知深州徙石隰部署以備河西繼遷死率兵入伏落關誘降蕃部數千俄知安肅軍繪山川險易爲圖以獻契丹來侵自山北

抵河澣全斌分率精銳遣子從政焚橋砦擊走之改冀州刺史
高陽關鈐轄擢從政爲侍禁寄班祇候封泰山以爲濮州鈐轄
還京卒

元達初名守旻洛州雞澤人身長八尺負膂力善射家業農不
任作苦委耒耜去之任俠縱酒常醉見道旁槐樹拔劔斬之樹
立斷達私喜曰吾聞李將軍射石飲羽今樹爲我斷豈神助耶
適以戶籍調役達當送徒闕下行數舍悉縱之郡遣追捕至達
援弓引滿追者不敢近由是亡命求見晉邸得隸帳下侍太宗
習射園亭達射連中上喜更今名位補御龍直隊長雍熙初
遷媯州刺史領本州團練使端拱二年擢侍衛步軍都虞候領
幽州刺史歷北面行營都部署入爲京城巡檢卒年四十二贈
昭化軍節度使達雖奮自草野歷職戎署至交士夫能折節盡

禮人以是稱之

王能定陶人初事州將袁彥名置營邸太宗卽位補內殿直歷
殿前左右班指揮使散員都虞候領潘州刺史兼御前忠佐馬
步軍都軍頭咸平初出爲濟州團練使知靜戎軍建議決鮑河
斷長城口北注雄州塘水以限戎寇以實塞下開方田盡
靜戎順安之境契丹來寇擊走之宗語宰相詢軍校勤勇宣
力公家者委以方面能與魏能陳興張禹班皆有聲于時擢本
州防禦使出爲邢洛路都部署改鎮定高陽關三路行營押策
先鋒護城祁州躬率丁夫旦暮不離役所宴犒周洽手詔褒飭
徙天雄軍改定州祥符二年合鎮定兩路爲一命能領之明年
召拜侍衛步軍副都指揮使領曹州觀察使祀汾陰爲京城巡
檢兼殿前司禮成加振武軍節度使復爲鎮定副都部署兼知

定州八年入覲特令用藩臣禮賜宴長春殿舊例諸帥不得預坐因能故從有司奏併令預坐著以爲例俄還屯所改節靜江軍天禧元年轉都指揮使領保靜軍代還入見賜宴以足疾免舞蹈特與醫療二年罷軍政移彰信軍近其鄉里以寵異之卒年七十八贈太尉錄其子守信等官

魏能鄆人少應募隸雲騎軍後補日騎左射隸殿前班七遷散員左班都知太宗知其材勇由是進用端拱二年加御前忠佐馬軍副都頭歷殿前左班都虞候領溪州刺史轉馬步軍都軍頭咸平三年真拜黃州刺史爲鎮定高陽關前陣鈐轄契丹入寇與諸將合戰大敗其衆斬首二萬殪統軍鐵林公奪甲馬兵械甚衆改領鄭州團練使契丹復入率州軍逆戰于南關門遣其子政與都監劉知訓間道絕敵戰數十合敵退薄西山破走

之獲器甲無算又偵知謀入鈔發兵逆擊生擒酋帥滅殆盡六年改知威武軍士請闕乞留詔嘉之能建言邊境戎卒逃逸者沒其妻子爲奴上慮嚴迫聽緩期自新違者坐以法徙莫州路部署與石普兵順安軍西營田浚河以扼寇詔楊延昭田敏倚角爲備景初復與白守信破敵長城口賜錦袍金帶契丹統軍撻覽攻武順安軍能與普破其前鋒拜防禦使轉寧邊軍部署使部兵伺敵動止值邊人百餘掠居民樹蕃倍爲帥能與田敏楊合兵設伏擒之會詔能領偏師分道牽制契丹能畏愼不前不戢所部多俘奪人馬朝議謂不可專任乃命綦政敏爲鈐明年師還大名與孫全照爭先入城全照密疏能退縮失期師旋不整狀責授右羽林將軍出監鞏縣軍尋改右驍衛大軍號州都監復康州團練使卒錄其

子正閣門祇候靖三班奉職

陳興澶州衛南人開寶中應募為卒隸御龍右直常從太宗征河東幸幽州特被賞賜累遷天武軍指揮使端拱中改御前忠佐步軍副都軍頭王超奏隨軍遣戍汾州明年李繼隆命權知夏州尋還屯所受詔提轄河東緣邊城池器甲芻糧至道初繼隆薦其材幹召補御龍弩直都虞候咸平初為馬軍都頭領蒙州刺史三年真授憲州刺史知霸州徙滄州副都部署移石隰駐泊會城綏州詔興與錢若水往視利害事具若水傳又徙涇原儀渭鎮戎軍部署上言鎮戎軍去渭州瓦亭砦七十餘里中有二堡請留戍兵三百從之俄與曹瑋秦翰領兵掩擊蕃寇章埋族帳斬二百餘級生擒三百餘人奪鎧甲牛羊駝馬詔書嘉獎賜金帶錦袍器幣繼遷所部康如族恃險與眾尤桀黠難制

往歲鈔劫靈州芻糧興復與翰等合眾進討窮其巢穴俘老幼獲器畜甚眾盡焚掘其窖藏詔復褒之仍加賜賚景德三年遷本州團練使知徐州雖起行伍有武略所至頗著聲績軍校之中興材為最祥符初召為龍神衛四廂都指揮使領登州防禦使出為邠寧環慶路副都部署兼知邠州坐擅釋劫盜罷軍職改徐州防禦使知懷州卒

王榮定州人父洪嗣仕晉為本州十縣遊奕使榮少有膂力為馬仁瑀所役嘗引強射屋棟矢入數寸人目為王硬弓太宗居藩隸左右即位補殿前指揮使遷本班都知員僚直都虞候盜發棣州往擒之加御前忠佐馬步軍都軍頭領懿州刺史坐受秦王宴勞出為濮州馬軍教練使復坐與秦王親吏言我不久當得節帥削籍流海島雍熙中召復前官累遷龍衛都指揮羅

州團練使率兵戍遂城擊敗邊騎擒千餘人入拜侍衛馬軍都
虞候峰州觀察使出爲定州行營都部署榮所爲麤率不中理
侵官地蒔蔬吝公錢不以勞將士母老不迎養供給帝怒之詔
加督責左授右驍衛大將軍真宗命領獎州刺史濱州防禦使
遷涇原儀渭駐泊部署車駕北征名爲具糞行營都部署師旋
復還涇原榮疎於智略援送靈武芻糧至積石不嚴斥夜爲
蕃寇所劫營部亂亡殆盡坐法恕死除名配均州起爲左衛將
軍景德初權判左金吾街仗觀兵澶淵命爲黃河南岸都巡檢
二年遷左神武軍大將軍領恩州刺史郊祀改左龍武軍達州
團練使祥符中遷昌州防禦使朝太清宮命爲河南駐泊都監
卒年七十官其一子

楊瓊汾州西河人幼事馮繼業以材勇稱太宗召置帳下卽位
隸御龍直三遷神勇指揮使從征太原以勞拜神龍直指揮使
雍熙初改弩直都虞候兼御前忠佐馬步都頭領顯州刺史
李順叛命爲夔峽擒賊招安使領兵自峽上與賊遇累戰抵渝
合偕尹元裴莊分路進討克資普二州及雲安軍斬首數千級
詔書嘉獎卽軍中真拜單州刺史至道初召還徙知霸州兼鈐
轄未幾改防禦使靈慶路副都部署河外都巡檢使賊累寇疆
悍禦有功又導黃河溉民田數千頃敗賊於合河鎮北獲人畜
亾算賊騎五百掠城下復擊破之追北三十里並賜詔嘉獎咸
平二年兼涇原儀渭邠寧環慶清遠靈州六路副都部署尋徙
鎮定高陽關押策先鋒屯定州明年副王超於鎮州徙定州四
年召還以鄜州觀察使充靈環十州軍副都部署兼安撫副使
敵圍清遠砦瓊將出兵鈐轄馮守規張繼能止之命副部署潘

璘都監劉文質率兵六千往赴逗遛不進敵攻破南門城遂陷
事聞驛召繫獄罪當死詔貸之削官流崖州繼能守規同坐籍
其家明年移道州景德初起爲右軍衛將軍分司西京累遷左
領軍衛大將軍領賀州團練使知兗州卒年六十七錄其子舜
臣爲奉職舜賓內殿崇班閤門祇候
周瑩瀛州景城人父景家富于財好交結歷事唐漢周習水利
嘗浚汴口導鄭州郭西水入中牟渠脩滑州河堤官至右領軍
將軍太宗居潛瑩得給事左右卽位補殿直領武騎卒數
百與福州捕劇賊千餘遷供奉官節度孫永祐轉運楊
緘皆使綏銀州按邊事還奏稱旨擢鞍轡庫副使雍熙
二年爲杭睦五州都巡檢使擒妖僧紹倫戮三百餘人時以爲
酷代還累遷監鎮定高陽關加判四方館事與郝守濟護塞宋
州決河歷知天雄軍真定府就遷引進使至道二年詔詣李繼
隆軍前授以機事還拜客省使簽書樞密院諸房公事真宗加
領富州刺史封其母武功郡太夫人咸平二年從征河朔爲駕
前馬步都部署三年遷南院使知樞密院事時議推瑩練達軍
事拜永清軍節度使詔益兵八千分屯環慶涇原以禦繼遷景
德初車駕北巡爲駕前東西貝冀路都部署明年改知陝州徙
永興軍移邠州西夏內屬詔省戍兵瑩復乞留詔責其庸懦代
以曹瑋徙澶州東封車駕所經特賜襲衣金帶器帛祥符初改
知天平軍又爲鎮定都部署兼知定州被病卒年六十六贈侍
中諡元惠瑩鮮韜略雖居禁近勲業無大過人子普崇儀副使
顯內殿承制孫永昌永吉殿直
傅潛冀州衡水人少事州將張延翰太宗召置藩邸卽位隸殿

前左班三遷東西班指揮使從征范陽先至涿州與契丹戰生擒五百餘人上嘉歎之師旋擢內殿直都處候累遷雲州防禦使雍熙二年北征爲幽州行營前軍馬步指揮使例責右領軍衛大將軍明年起復舊官端拱初累領昭化武成二軍節度使出爲高陽關都部署真宗改領忠武軍節度咸平二年復爲鎮定高陽關三路行營都部署潛本以倖進無方略性復畏懦時契丹大入潛麾下步騎八萬皆自置鐵櫪鐵槌爭欲奮擊將校以請潛不許但閉門自守契丹遂破狼山砦悉銳攻畧邊軍游騎出邢洛鎮定路絕朝廷問遣使督潛出師潛曰賊勢如此與之角適挫吾銳范延召桑贊秦翰屢促會兵合擊皆不聽鈐轄張昭允力勸不得已分騎八千步二千付延召等於高陽關逆擊方血戰徵援兵不至致康保裔敗死車駕將親征命石保吉上官正自大名領前軍赴鎮定與潛會潛又遲遲不發諸將請益兵不與勝又輒抑不問上駐大名聞之大怒遣高瓊往代召至行在下臺獄命錢若水同按議當行法命貸死削奪官爵并家屬長流房州籍其貲產五年會赦徙汝州景德初起爲本州團練副使改左千牛衛上將軍分司西京祥符四年車駕西巡從還京遷左監門大將軍遷其宅久之判左金吾街仗卒張昭允字仲孚衛州人以父秉蔭試大理評事潘美妻以女奏換右班殿直遷通事舍人端拱初爲雄州監軍契丹掠境上與田仁朗選銳卒襲其帳敗走之進西上閣門副使提總左右藏真宗以章懷后故頗被親信授以行營馬步都鈐轄與潛同坐削長流道州景德二年起爲楚州團練副使改右神武將軍卒爲人喜筆札習騎射曉音律于正中居中

郭密貝州經城人軀幹雄偉膂力絕人幼孤隨母改適冒姓王氏馬仁踴薦隸晉王帳下卽位補指揮使復姓郭氏淳化間凡八遷移貝州駐泊兵馬部署會夏人寇邊以有武略擢領安州觀察使充靈州兵馬都部署訓練士卒號令嚴肅夏人畏服邊境寧謐卒年五十八贈保順軍節度使 傅思讓冀州信都人少無賴勇力善騎射補晉邸親事都校卽位補衛士直長累遷平州刺史破契丹兵于唐興口端拱中四遷容州觀察使知冀州移隴州所爲多不法上命燬中丞林特同判州事卒年七十四贈保順軍節度使 李斌青州人晉邸聞其狀貌魁偉召署左右卽位補御龍直副指揮使太平興國中以天武指揮使領鄭州刺史坐受秦王饋遺貶曹州都校雍熙三年遷營州刺史四年領溪州團練使斌勤於政理人服其清慎轉運陳絳以狀聞至道初拜桂州觀察使仍判洛州徙滄州及代吏民不忍其境上其善狀詔書褒美卒年六十一

庶官 宋六之五
張耆 王繼英 符昭敏 高化 楊崇勳
夏守恩 趙徽 范倫 趙振 孟元
白守信 謝德備 安俊 趙振 孟元
張倫 趙徽 范倫 趙振 孟元
張耆 王繼英 符昭敏 高化 楊崇勳
夏守恩 趙徽 范倫 趙振 孟元
白守信 謝德備 安俊 趙振 孟元
張倫 趙徽 范倫 趙振 孟元

...使充靈州兵馬都部署訓練士卒...
...寧謐今年五十八贈保順軍節度使...
...無賴勇力善騎射補晉州觀事部校...
...平州刺史破契丹兵于唐興口...
...州移隴州所為多不法上命殿中丞...
...西贈保順軍節度使...
...左在印位補節度使...
...其善其清書爽美卒年六十...
...至其時其子...
...不怒其

明刑部員外郎仁和弘齋邵經邦學

皇清翰林院侍講學士四世孫遠平校閱

庶官 宋六之五

張耆 孫叔夜 王繼英 蔚昭敏 王守俊等 高化 楊崇勳

夏守恩 弟守贊子隨 閻日新 劉謙 父仁罕 張孜 張盈之附

白守信 謝德權 父文節 安俊 趙振 子珣 孟元 劉謙

張綸 趙滋 范恪 馬懷德 和斌 子詵

張耆先名旻字元弼開封人年十一給事真宗藩邸即位授西
頭供奉官擢供備庫副使帶御器械累以邊功遷南作坊使昭
州刺史天雄軍兵馬鈐轄連徙鎮定州行營契丹侵望都耆從
諸將間道往援與戰身被數創斬其梟將還言天道利先舉者



請帝大舉討之輔臣以爲不可會明年復入帝悔不用其策遷
昭州團練使命守澶州充駕前東西面排陣使者上邊事十餘
條多論兵貴持重及所以取勝者事平爲曹州趙諫所告貶供
備庫使潞州都監久之事稍辨復官管勾皇城司帝以耆素歷
河東邊事召見宣和閣問地里險易狀因言雲應蔚朔四郡間
敵數遣人假以文移瞰虛實識道路宜密諭并代自今由雲應
蔚至者從大石谷入由朔至者從土登入餘間道皆塞之以示
險景德罷兵與曹璨李神祐岑保正闕軍籍汰罷癯東封轉絳
州防禦殿前都虞候常諫王清昭應宮以爲殫竭財力非所以
承天意遷相州觀察使連徙武寧鎮安淮南節度拜同中書門
下平章事判陳與壽州天聖三年召爲樞密使進兼侍中封鄧
徐二國公以太子太師致仕李贈太師諡榮信耆重密有知數
幼時命授以論語左氏春秋又賜宸戒二十條及聖政記四冊
元龜故頗知傳記及術數之學所言象緯輒中章獻太后微曠
嘗寓其家事之甚謹故臨朝寵遇最厚賜第尚書省西凡七百
楹安佚富盛踰四十年家居爲曲園積百貨其中與羣姬相贊
易病者親爲診切雖藥費不令外饋所歷藩鎮頗以爲擾子二
十四御之甚嚴日一見令就外舍得一守貝州坐誅誠一審省
使樞密都承旨希一引進使歷知冀邢等州至均州防禦使利
一補供奉官累遷西上閣門使終雄州團練使孫叔夜字稽
仲初蔭蘭州錄事參軍蘭州地極邊恃河爲固每河水合輒戒
嚴士不釋甲者累月叔夜以爲非計欲求要地以守有大都者
介五路之間羌入寇必至彼點集然後議所向乃按其形勢建
西安州自是蘭無羌患羅知襄城陳留二縣以蔣之奇薦歷知

安肅軍舒海秦三州大觀中獻文召試制諸賜進士出身遷右
司使遼還圖上山川城郭服器儀範五篇從弟克公彈蔡京京
遷怒叔夜貶監西安草場京罷召爲祕書少監擢中書舍人給
事中極陳吏情不虔之弊先時命出門下預列使衙徐填其事
謂之空黃至是盡革之進禮部侍郎京復相以微猷閣待制再
知海州劇盜宋江起河朔轉略十郡官軍莫敢嬰其鋒至是徑
趨海瀕劫鉅舟十餘載所鹵獲叔夜募死士千人設伏近城而
出輕兵距海誘之伺兵合舉火焚舟賊還顧鹵獲皆無鬪志伏
兵乘之擒其副賊江乃降加直學士知濟南府羣盜猝至叔夜
度力不敵乃取舊赦文令郵卒傳至郡聲言赦至賊聞小懈夜
發卒乘其情擊之盜奔潰追斬數千級以功進龍圖閣直學士
知青州靖康初乞假騎兵并力斷金人歸路不報徙鄧州時四

道置師令叔夜領南道都總管金兵再至詔趣入衛即自將中
軍子伯奮將前軍仲熊將後軍合三萬人至尉氏與金游兵遇
轉戰而前十一月晦至都欽宗御南薰門見之軍容甚整入對
請暫詣襄陽以圖幸雍帝領之加延康殿學士陳兵玉津園鎧
甲光明帝登城叔夜率諸將拜舞城下帝益喜進資政殿學士
令以兵入城俄拜簽書樞密院事連四日大戰斬其金環貴將
二人帝嘉其功用蠟書檄告諸道城陷叔夜被劓猶父子力戰
車駕再出郊叔夜叩馬號慟衆軍皆哭帝回首字之曰嵇仲努
力金人議立異姓叔夜語孫傳曰今日之事有死而已移書金
帥請立太子以從民望金帥怒追赴軍中至則抗請如初遂驅
以北道中卽不食旣次白溝馭者曰已過界河矣叔夜矍然起
仰天大呼遂不復語明日卒年六十三訃聞贈開府儀同三司

論忠文

王繼英祥符人少孤寄育於外氏稍長從趙普給筆札普罷相從者皆散繼英趨事愈謹普再入隸名中書五房真宗在藩邸太宗選為導吏兼內知客事名語曰汝昔事普朕所備知今奉儲宮尤宜盡節即位擢引進使咸平初累遷左神武大將軍樞密都承旨改客省使契丹入寇密請車駕北巡上從之命馳傳詣鎮定高陽關閱視行宮儲頓宣諭將士俄充澶州鈐轄與傅潛即軍中同名還屬吏尋掌三班院拜宣徽北院使同知樞密院事小心慎靖以勤敏稱上頗倚任之景德初拜密樞使嘗因進補軍校或訴繼英蒙蔽不為薦引上曰此輩正須因事立功方許擢用不可過求僥倖從幸澶淵還加特進檢校太傅卒年六十一上臨哭賜白金贈太尉兼侍中諡恭懿又為其祖父營

辦

葬贈妻賈氏長樂郡太夫人錄子遵式遵諱遵慶遵德皆顯官壻與門下親吏又數十人外王父諸舅有旅殞者亦詔有司給爵昭敏字仲明祥符人父興事周世宗數戰有功入宋從平太原終龍尉都虞候真宗為襄王昭敏自東班殿侍遷隸府邸即位授西頭供奉官累遷崇儀使冀貝行營兵馬都監契丹五千騎突至冀州城南昭敏帥部兵與戰敗之得其器甲賊遁去不失一人咸平四年領順州刺史定州行營鈐轄兼押大陣又為鎮定高陽關先鋒帝北巡至大名契丹退趨莫州昭敏與范廷召追至莫州東三十里斬首萬餘級擒生口甚眾契丹委器甲遁拜唐州團練使累遷至殿前都指揮使保靜軍節度使以足疾卒贈侍中時宮邸攀附者又有王守俊至濟州刺史翟明

至洛州團練使王遵度至磁州團練使楊保用至西上閣門使
康州刺史鄭懷德至御前忠佐馬步軍都軍頭永州團練使張
承易至禮賓使吳延昭至供備庫使白文肇至引進使昭州團
練使彭睿至侍衛馬軍副都指揮使武昌軍節度斬忠至侍衛
馬軍都虞候端州防禦使郝榮至安國軍節度觀察留後陳玉
至冀州刺史崔美至濟州團練使高漢美至鄭州團練使楊謙
至御前忠佐馬步軍副都軍頭河州刺史

高化字仲熙真定人少沉勇有力不事耕稼學擊劍善射契丹
犯河北化應募轉餉飛孤口留楊業戲下獲賊酋大鵬翼會又
犯真定乃辭業還家屬悉被略去化從州將入京師遂隸禁軍
選爲襄王府牽轡官王尹京命化巡內外八廂獲姦盜甚衆遺
以金帛不受一日王趨急召出府門馬驚墮幾殆化掖之起

益親信之卽位擢御龍營直雙員都頭乾興初累遷天武右廂

蜀州團練使天聖六年夏大雨命護汴堤夜馳至城西堤壞督
守兵負土不能過命急取城隅所積材木塞之得無患仁宗嘉
之歷鄜延涇原馬步軍副都總管權知渭州發兵襲名珠族不
利左遷滑州總管改興州防禦使累拜殿前副都指揮建武軍
節度使以老辭改武安軍知相州有大獄已皆論死化疑之移
訊出其無罪三人踰年以右屯衛上將軍致仕卒年八十贈太
尉諡恭壯化謹質少過馭軍有法雖起行伍頗知民事
楊崇勳字寶臣薊州人祖守斌事太祖爲龍捷指揮使父全美
事太宗爲殿前指揮使崇勳初蔭爲東西班承旨事真宗于東
宮聞其嗜學授以書令習之稍通兵法及前代興廢之事卽位
遷右侍禁西頭供奉官寄班祇候討王均爲承受公事雷有終

使入奏捷賜錦袍銀帶器幣擢內殿崇班歷遷樞密都承旨未
幾領英州防禦使會都知周懷政謀逆崇勳夜與丁謂曹利用
共發之翌日懷政誅擢崇勳內客省使領桂州觀察羣牧置制
使仁宗卽位歷拜宣徽南院兼樞密副使宮中火爲脩葺副使
章獻與仁宗言先帝稱其質信可任大事乃進樞密使坐上章
懿后卽邀宰相張士遜過園亭飲酒中丞范諷劾罷以同平章
事領節河陽三城判許州改陳州景祐初懷政家人訟寃遂罷
平章連知壽與毫陳三州契丹將淪盟朝廷擇將備邊復拜同
平章事判定州以老不任事徙成德軍又徙鄭州坐其子宗誨
納賂枉法以左衛上將軍致仕卒贈太尉謚恭密崇勳性貪鄙
喜中傷人每對上輒肆言中外事人以是畏之

夏守恩字君殊榆次人父遇爲武騎軍校與契丹戰歿補守恩
下珣殿侍給事襄王宮遷西頭供奉官真宗卽位四遷至北作
坊使普州刺史從幸澶淵數見任使歷四州都指揮秦州防禦
使帝不豫章獻預政以守恩領親兵倚用之擢殿前都虞候天
聖初爲永定陵總管領工徒萬數穿皇堂地土石相半事聞雷
允恭伏罪守恩徙節河陽三城歸本鎮歷天雄泰寧武寧三節
度使所至恃寵驕恣不法子元吉通賂遺市物多不予直通判
李參發其賊除名編管連州卒弟守贊字子美四歲而孤以
兄故召入襄王宮使傅婢撫視稍長習通文字俾典東宮工作
事卽位授右侍禁命往綏銀同察李繼遷幾事遷西頭供奉官
寄班祇候幸大名爲駕前走馬承受時康保裔戰沒部曲畏誅
揚言保裔降賊守贊受密詔往廉得其情還奏詔恤其家幸澶
淵祀汾陰皆爲駕前巡檢遷綾錦副使幸亳州命脩行宮轉崇

儀使甚見親信還累遷樞密都承旨兼領三班院每契丹使至與楊崇勳迭為館伴凡十餘年擢侍衛親軍殿前馬步軍都虞候歷五軍節度使定州路都總管寶元二年召知樞密院事帝問西事守贊言願併小障兵以據衝要伺便邀擊功或可成帝然之辨明劉平石元孫之枉自請將兵擊賊換宣徽南院使兼經略安撫緣邊招討使命以御劔隨之然性實庸怯寡方略不為士卒所服尋詔駐軍河中居數月徙屯鄜州康定元年召同知樞密院事以子隨卒請罷以天平軍節度使判澶相瀛三州卒贈太尉諡忠僖隨字君正慎重少過頗好儒多與士大夫游初蔭殿侍仁宗在東宮為率府副率即位除內殿承制歷閤門使出為天雄兵馬鈐轄歷泰州防禦使元昊反為鄜延路副都總管獲其偽書投錦袍銀帶境上以問金明李士彬隨力辨其亾他士彬感激擊賊自效轉耀州觀察使知亳州劉平敗徙知河中以父為經略留充會靈觀使守贊還遂任陝西緣邊招討副使卒贈昭信軍節度使諡莊恪

閻日新宿州臨渙人少為本州牙職補三司役吏淳化中選隸壽王府主郎中記簿即位擢供奉官提點雄霸靜戎軍榷場咸平中歷遷供備庫副使慶州都監景德初管勾邠寧環州駐泊兵馬從部署張凝屢入邊界焚羗人族帳連知涇與慶州上言野溪三門等族恃險隘桀黠難制請開古川道東至樂業鎮西出府城從之就轉供備庫使知環州兼邠寧環慶路鈐轄緣邊都巡檢使二年遷如京使領萬州刺史朝陵東封皆為行宮使祥符初改文思使口新本起側微好作為以圖進取自陳筋力尚壯願守邊城效用遂真拜防州刺史知渭州兼涇原路駐泊

鈐轄將祀汾陰改知同州車駕至迎謁獻方物勞問久之賜襲
衣金帶還又設綵樓樂伎以迎駕明年徙知徐州代還擢右領
軍衛大將軍昭州團練使知單州以疾卒年六十八嘗言羣臣
子弟蔭官者往往未童亂卽受俸望自今年二十以上始給又
京城百官早朝而學士丞部舍人以上導從太盛望令裁減其
建白多類此

劉謙博州堂邑人曾祖直以純厚聞里中有盜其衣者知而不
問州將義之賜以帛不受父仁罕輕俠自任五代末寇盜充斥
率衆斷澶州浮橋誘獲賊徒出芻粟給官軍補內黃鎮將嘗至
酒家遇羣寇暴集以計悉梟其首詣留守向拱拱壯之補汜水
鎮將俄爲散都頭宋初遷龍衛都指揮使征廣南爲前鋒還改
同州都校卒謙少慷慨不拘小節亡命京師應募從軍補衛士
稍遷內殿直都知真宗升儲增補宮衛太宗御便坐親選諸校
授西頭供奉官東宮親衛都知賜袍笏靴帶器幣卽位授洛苑
使謙本起行伍不樂禁職改殿前左班指揮使咸平初累遷殿
前都虞候景德初歷殿前副都指揮振武軍節度使上言邊城
早寒常例八月給屯兵冬衣請於六月預給著爲例上東封詔
謙都總山下馬步諸軍與左藏庫副趙守倫閱視山門著籍者
乃得上禮成進都指揮使移保靜軍節度使卒年六十贈侍中
子懷懿東染院副使懷詮內殿崇班閣門祇候

張孜初名茂實以諱改今名母爲悼獻太子乳母孜方襁褓真
宗以付內侍張景宗令謹視之養以爲子蔭補三班奉職給事
春坊司轉殿直遷供奉官閣門祇候爲陳州兵馬都監築堤袁
家曲捍水陳以無患五遷至供備庫使恩州團練使真定路兵

馬鈐轄歷知莫貝瀛三州爲人安重習事運使張盪之奏罷翼
貝驍捷軍士上關銀鞵錢又能保州雲翼別給錢致皆力止之
不聽軍果怨叛尋副富弼使契丹以勞累遷并代副都總管河
東更鐵錢人情疑貳部兵相率扣府門閉不納幾爲亂致策馬
從數騎往諭之皆散還營遷濟州防禦使侍衛馬軍都虞候轉
殿前司加桂州觀察使虎翼兵十餘人乘夜大譟欲爲變致擒
首惡斬之然後聞遷昭信軍節度觀察留後侍衛馬步軍副都
指揮使中丞韓絳論致自幼長於禁中頗涉疑似請罷兵柄出
爲寧遠軍節度使知潞州徙陳州仁宗復召致絳疑富弼引之
奏請黜弼弼引咎求罷然進擬實不自弼絳坐謫蔡州致尋亦
出知曹州卒贈太尉諡勤惠 張盪之字景山祕之子及第補
樂清尉累遷集賢校理通判常州知溫州蔡齊薦其材擢提點

河南刑獄知亳州楊崇勳恃恩不法誣蒙城知縣王...
得冤狀出之配姦吏若干人徙贛南東路轉運使有人有...
多慘酷盪之請以漢法從事權度支判官改京西轉運加...
館徙河北時諸州發卒斬西山木多致竄匿盪之戒以毋得...
入自是緣邊士卒率不敢逃還爲戶部鹽鐵副使擢天章閣...
制河北都轉運兼按察使所莅岳州廣信安肅軍自五代以來
別領兵萬人號策先鋒太祖嘗思之有功每出援隣道別賜優
給其後不復出主者坐糜廩賜通判石待舉請罷之內侍楊懷
敏不悅巡檢司雲翼卒遂殺待舉閉城作亂盪之自魏馳至城
下名諸將田况等攻城殺降卒數百坐奪職知虢州又坐冀州
人段得政暱囑事下御史按劾奪三官監鄂州稅起知漢陽軍
俄遷刑部郎中復待制歷湖揚二州以光祿卿致仕卒

白守信開封人祖延遇仕周至鎮國軍節度使父延訓宋初爲龍捷都指揮使領博州刺史守信蔭補東班承旨遷右班殿直以善射授供奉官帶御器械三遷至供備庫使咸平三年契丹犯邊與王能成邢州俄又與麥守恩石贊領先鋒禦之敵退復與荆嗣督河北京東捕賊四年命爲鎮州行營鈐轄領騎兵躡大陣西偏屢當格鬪改定州鈐轄復徙鎮州王繼忠陷師還渡河敵人乘之守信據橋控矢每發必中敵不敢近真宗與輔臣議三路禦敵皆言威鹵扼北道要害尤甚守信久練邊計知戎務乃命爲鈐轄戍順安景德初契丹侵長城口與魏能發兵破之追北過陽山斬獲甚衆賜錦袍金帶又徙屯冀州轉運劉綜舉守信智勇材幹堪任將帥加領康州刺史提騎卒戍靜戎軍兼泄營田之役俄爲鎮定鈐轄敗契丹前鋒獲輜重又入敵境俘擒甚衆及契丹請和守信與曹璨特留任追叙前勞加合州團練使祥符三年副李廸使契丹再遷南作坊使卒甚憚惜守信居邊久名聞北庭喪還常賻外別資錢五十萬錄子以官謝德權字士衡福州人父文節仕王氏爲候官令入南唐爲饒州團練使以驍勇聞世宗南征卽擐甲渡江潛覘賊壘吳入號爲鐵龍後守鄂州拒宋師戰沒德權以父死事署莊宅副使歸宋補殿前承旨遷殿直陝西巡檢以勞就改右侍禁咸陽浮橋壞運使宋大初命德權規畫乃築土實岸聚石爲倉用鐵牛制之由是無患咸平二年宜州蠻叛陳堯叟命單騎入境諭以朝旨衆咸聽命加閣門祇候爲廣韶英雄連賀六州都巡檢使代還提點京城倉草場受命廣京城衢巷其規制廣袤及禁鼓昏曉之制皆所條上上悉從之有凶人劉擘僧澄雅誣訟執政與

引錄 卷一百六十一
汴州民陰構西夏為叛詔德權監溫仲舒謝泌鞠問具奏其發
時無濫獄帝將幸澶淵命城新樂縣遷供奉官又命浚北平砦
濠葺蒲陰城奏言邊兵屯聚一處非便願速分戍鎮定高陽三
路天雄城壘濶遠請急葺之其北宜亟治德清軍城以為豫備
臣實慮蒲陰工作未訖寇必暴至既而契丹果圍城德權單馬
間道赴行在遷內殿崇班提轄三班衙司為設條制均其差使
有規免重役假名內侍主藏咸奏罷之上稱其有守命提總京
城四排岸領護汴河兼督輦運先時主者因循但挑沙攤岸陞
遇河流汎濫卽復填淤德權務令盡去浮沙至土為限棄沙隄
外遣三班使分主其役為大錐以試凡引錐可入者卽坐所轄
官吏多被譴免仍植柳數十萬以固堤岸又建議廢京師鑄錢
監徙西窰務于河陰大省勞費改崇儀副使兼領東西八作司
凡役皆尅日而就東封命計度發運遷供備庫使領備玉清宮
劉奉珪勞役過甚日與忿爭不能奪遂求罷復領京城倉草場
導金水河自皇城西環太廟凡十餘里祥符三年出知泗州改
西染院使卒年五十八錄其子平為定遠主簿德權清苦勤幹
好典功利多所經畫見官吏徇私者必面斥故所至肅然然喜
采察纖微朝論惡之

安俊字智用其先太原人祖贊高州團練使仁宗開資善堂俊
以將家子謹厚選為祇候卽位補右班殿直累遷環州都監被
元昊吃吐井那諸砦韓琦上其功遷內殿崇班環慶路都監徙
涇原與狄青范恪同名使備北邊擢內園副使會葛懷敏敗命
為秦鳳路鈐轄復徙涇原因條上禦戎十三事改原與麟州遷
六宅使貴州刺史知忻代二州為帥臣誣奏降京東路鈐轄知

青州富弼爲辨理真除虢州刺史徙知滄涇冀三州秦州築古渭城徙秦鳳路總管歷侍衛步軍都虞候陵州防禦使卒贈閬州觀察使俊在邊久故羗人識之种世衡嘗問降俘若屬於吾將誰畏曰畏安太保指俊於坐曰此長髯將軍是也

趙振字仲威雄州人景德中從石普于順安軍獲契丹陣圖授三班借職監押隰州兵馬捕盜青灰山殺獲甚衆高平蠻叛徙湖北都巡檢兼制置南路振以南方暑濕弓弩不利別創小矢激三百步中輒洞穿蠻遂駭散歲中遷慶州沿邊都巡檢使時金湯李欽白豹神木馬兒高羅跋滅三族尤悍難制振募降羗啗以利令相攻破十餘堡欽等自詣來歸振爲置酒取細仗植百步外共射振十矢皆貫欽等驚誓不敢犯明年涇原屬羗胡薩遁哥等叛鈴轄王懷信以兵屬振屢捷常從數十騎遇賊十倍射殪數十餘悉退散未幾賊數萬圍平遠砦都監趙士龍戰沒振出別道力戰抵砦奪取水泉率敢死士破圍賊走追斬數千級徙涇原都監歷知順安保安廣信軍改京東都大提舉捉賊知環州加領象州防禦使元昊將反爲金銀冠佩飾甲騎遺屬羗振潛以金帛誘取之以破其勢時東菱金明萬劉諸族勝兵數萬悉爲賊有及劉平等敗惟環慶無患擢龍神衛四廂都指揮使鄜延路副都總管知延州尋改捧日天武四廂語將吏曰賊必乘勢以進勢宜固守賊果寇塞門砦振坐擁兵不救貶太子左清道率府率潭州安置踰年復右武衛將軍惠州團練使并代路兵馬鈴轄就遷副總管元昊既破豐州將襲近砦振率鈴轄張亢麥允言出麟州深栢堰擊破之兼領嵐憲六州軍事河外饑設法通砦外商得米數十萬斛軍民以濟進博州防

禦使改解州終左神武軍大將軍振剛強自負有武方便弓馬
喜謀畫輕財尚義衆樂爲用子珣瑜璞皆工騎射知名珣年
十六仁宗名試便殿除三班借職復閱武藝授殿直令呂夷簡
試以策略條對數千言進閣門祇候爲濠州兵馬都監隨父西
邊訪得五路徼外形勝利害作聚米圖經五卷并上五陣圖兵
事十餘篇帝給步騎使按陣旣成臨觀之陝西招討陳執中薦
爲緣邊巡檢使擢通事舍人監涇原路兼治籠竿城授兵萬人
御賜鎧仗令自擇偏裨參佐近城麻璫黨留百餘帳爲暴珣引
兵二萬白靜邊歷揆吳抵木寧襲賊俘獲數千計靜邊將劉滄
殿後爲賊所掩復從騎數百拔出之瞻璫居龕谷無所屬珣以
書招之遺以綉錦遂聽命聞元昊大入徙軍新壕外議欲掩襲
時葛懷敏屯五谷口珣語曰敵遠來鋒銳莫若依馬欄城布柵
以扼其歸路守鎮戎城以便餉道俟其衰擊之此必勝之道不
聽兵遂逼鎮戎城越界壕抵定川未及陣夏人引鐵騎來犯珣
居陣西北與珣戰甚力東壁兵輒潰中軍大擾珣擁刀斧手前
鬪夏衆稍却我軍復陣懷敏詰朝退就食鎮戎俄夏騎四合珣
被擒瑜以身免人多惜之後卒贈莫州刺史
孟元字善長洺州人性謹愿少孤頗喜讀書與劉謙俱隸禁軍
元以挽彊選補殿侍遷散都頭指揮至如京使并代兵馬鈐轄
徙高陽真定等路討王則赴城下被數十創中機石墜濠中旣
出戰愈力募死士由永濟渠穴地以進賊平攻右驥驥使徙大
名府路鈐轄河朔饑權知滄州民倚鹽活歲荒不售元度軍食
有餘悉用易之得不轉徙中丞郭勸薦擢普州刺史遷宮苑使
專管勾麟府軍馬事護築永寧堡敵不敢動歷遷并代大名府

路副都總管徙定州鄜延路卒贈遂州觀察使 劉謙字漢宗
開封人由衛士至捧日右廂都指揮使領嘉州團練使兼京城
巡檢討元昊改博州團練環慶路馬步軍總管兼知邠州生平
不讀書區處鬪訟曲直皆當理前守者強市民物以飾厨傳謙
至獨無所撓邠人頗愛之夏竦奏為涇原路總管徙知涇州夏
人寇鎮戎軍謙引兵深入破其聚落以功遷龍神衛四廂都指
揮終象州防禦使贈永興軍節度觀察留後

張綸字公信潁州汝陰人少倜儻任氣補三班奉職遷右班殿
直從討王均諭降寇數百不殺以功遷右侍禁慶州兵馬監押
擢閤門祇候益彰簡等州都巡檢使部卒縱酒掠居民綸斬其
首惡數人徙荊州提點刑獄遷東頭供奉官提點開封府界縣
鎮公事使靈夏還擢知辰州會溪峒彭氏蠻內寇綸築蓬山驛

賊路不通遁去徙知渭州改內殿崇班知鎮戎軍蠻復入寇
為辰澧鼎等州緣邊五溪十峒巡檢安撫使諭蠻酋禍福還所
掠民遣官與盟刻石示信久之拜江淮制置發運副使奏除通
秦楚三州鹽戶宿逋官助器用鹽入優與之直歲增課數十萬
復于杭秀海三州置鹽場歲入課百五十萬居二歲增上供米
八十萬疏五渠導太湖入于海復租米六十萬開長蘆西河以
避覆舟之患又築漕河堤二百里于高郵北旁錮鉅石為十礎
以泄橫流秦州有捍海堰延袤百五十里久廢不治歲患海濤
冒民田綸議脩復論者難之表三請願身自臨役遂命兼知秦
州堰既成州民利之為立生祠居淮南六年遷文思使昭州刺
史為契丹隆緒弔慰副使歷知秦瀛滄州再遷東上閤門使真
拜乾州刺史徙知潁州卒綸有材略所至興利除害性復寬恕

喜施予每見漕卒凍餒道死輒推俸錢市絮襦千數衣之
趙滋字子深開封人父士隆天聖中爲閤門祇候邠寧環慶路
都監戰沒錄滋三班奉職少果敢任氣有智略康定初以右侍
禁選捕京西叛卒有功累除涇原儀渭鎮戎軍都巡檢會渭州
得勝砦主姚貴殺監押崔絢劫宣武神騎卒千餘人叛攻羊牧
隆城滋馳至諭降八百餘人貴窮出走招討使令滋給賜降卒
遷補將吏滋曰如是是誘其爲亂也藏牒不奉命使怒故賞弗
行范仲淹經略陝西舉其可用授閤門祇候爲鎮戎軍西路都
巡檢令提舉捕捉京西賊張游數月平之安撫富弼再舉爲京
東路都巡檢登州乳山砦叛兵殺巡檢滋丞檄驗治馳入其壘
次第推問誅首惡數人得黨與百餘付獄衆莫敢動以獲盜功
超授供備庫副使定州路駐泊都監韓琦以爲真將帥材命權

并代路鈐轄改管勾河東經略司公事建言代州寧化軍地皆
肥美募人田作教戰射爲堡砦民獲其利遷西上閤門副使知
安肅軍徙保州滋強力精悍有吏能所在稱治時契丹違約令
民乘小舟漁界河中吏憚生事莫敢禁又遣大舟十餘自海口
運鹽朝廷以滋可任徙知雄州至卽繕治城壁樓櫓戒巡兵捕
殺其人輦其舟漁者遂絕在雄六年契丹憚之值歲大饑簿書
米鹽皆有條法出入無禁邊人德之加領嘉州團練使累遷四
廂俱都指揮使英宗卽位轉端州防禦使步軍都虞候賜白金
留再任卒贈遂州觀察使滋性廉謹月得公使錢不以入家馭
軍嚴肅戰卒服役如廂兵莫敢有言然傲慢自譽此其短也
范格字許國開封人初名全少隸軍籍驍勇善射臨難敢前選
入捧日軍爲殿前指揮使數有戰功康定元年試武伎擢內殿

崇班慶州北路巡檢使預攻破白豹城既還夏騎追襲恪設伏
崖險伺敵半度邀擊之斬首四百生獲七十餘人以功遷內殿
承制嘗會諸道兵攻十二盤中流矢督戰愈力視礮石中有火
爨者取以令衆曰賊矢石盡用竈下筵矣士卒聞之爭奮遷供
備庫副使所用弓勝一石七斗其箭鏃如錐名曰錐弓羽間輒
識官名姓氏每發必中至一箭貫二人他日取蕉蒿若歸殿後
爲數千騎所襲恪視矢箠止有二矢印爲引滿之勢賊遽卻嘗
與總管杜惟序鈐轄高繼隆將兵分討漢乞薛馬都鬼等三砦
恪先破都鬼而繼隆圍薛馬不能下馳往取之既又援惟序下
漢乞砦改左驥驥副使敵犯大順城諸將閉城自守恪獨率兵
千餘戰克之改宮苑副使環慶路兵馬都監仁宗召見適有邊
奏賊犯劉瑋堡令乘傳亟往遷禮賓使榮州刺史環慶路鈐轄

手詔趣范仲淹起兵赴援恪晝夜兼行至平涼賊已解遷洛

苑使權秦鳳路兵馬總管累遷至保信軍節度觀察留後以疾

出爲永興軍路副都總管卒贈昭化軍節度使

馬懷德字得之祥符人父玉東頭供奉嘗自言懷德可試引弓
擊劒角觥補三班奉職爲延州南安砦主東路巡檢數以少擊
西賊敗其衆范仲淹脩青澗城奏爲兵馬監押以所部兵入賊
境破遮鹿要關二砦親射殺其酋狗兒廂主遷左班殿直又率
蕃漢燒蕩海溝茶山龍柏安化十七砦三百餘帳斬首數百級
鹵馬駝牛羊萬數遷右侍禁韓琦薦授閤門祇候龐籍又奏爲
東路都巡檢使有夸黑神厥保等十八砦犯邊趨僕射谷懷德
先於谷旁引兵數千據高原待之斬首二百級得畜產器械千
數遷內殿崇班又以兵脩龍安城敵不敢犯改鄜延路都監城

綏平破賊青化押班吃當三砦殺獲甚衆復與國子博士高良夫會西人畫界籍具論前後功遷供備副使兼閤門通事舍人時用兵久民多亡散懷德獨招輯有方經略梁適奏請推其法諸路歷知保安軍環州環慶益利路鈐轄累遷至殿前都虞候步軍副指揮使隨州觀察使英宗遷靜難軍節度觀察留後卒贈安遠軍節度管中流矢鏃入於骨以弩弦繫鏃發機出之和斌字勝之濮州鄆城人選隸散而爲順德軍指揮使數扞敵被重創十餘知軍事劉兼濟以兄平敗執送京師并逮其家斌密寓金帛他所慰安調護終始賴之定川之役輟所乘騎與將曹奭凡戰且行得俱免狄青南征使將騎兵爲前鋒說曰兵疲於險利在速戰遂有歸仁驛之捷師還仁宗問破賊形由加拊勞擢文思副使權廣西鈐轄留累歲徙涇原神宗召對盛言交州有害無益願戒邊臣無妄動進帶御器械涇部饑帥王廣淵命斌賑給擇地營居養視有法所活萬數南安入寇復徙廣西累遷皇城使昭州刺史撫水蠻羅世念犯宜州斌提步騎三千進討因示弱驕之蠻果大入誘至平坂列八陣以待張疑兵左右山上分精騎翼其旁蠻登嶺望見大驚斌自被甲步出土殊死戰遂大敗率其酋黨四千八百內附遷領榮州團練使知宜州進西上閤門使知邕州以老請還除高陽關副總管歷步軍都虞候卒年八十贈寧州防禦使斌老於爲將以恩信得邊人心嶺南珍貨一無所畜邊吏欲希功造事皆憚不敢發或巧爲謀報啓屢必折其姦謀故所至無事人多稱之子詵以蔭爲河北副將累官右武大夫威州刺史知雄州上制勝強遠弓式能破堅三百步外號爲鳳凰弓進相州觀察使在鎮十年頗能偵

敵遂與取燕之謀童貫名計事悅之奏為副統分麾下兵從種
師道軍于白溝旬有二日見契丹尚強遽變前說貫効詵覘候
不實貶濠州團練使筠州安置平燕肆赦獨不得還後復官卒

弘簡錄卷一百六十終

弘簡錄卷一百六十一

明刑部員外郎仁和弘齋邵經邦學

皇清翰林院侍講學士四世孫遠平校閱

庶官 宋六之六

劉保勳 劉蟠子錯 宋瑄 袁廓 樊知古附李順

張雍陳世卿 索湘 袁逢吉 姚坦 魏羽子雅 燄

王子興 鄭文寶 董儼 何蒙 慎知禮子從吉

張佶 胡則附龍昌期 張乘父諤 黃震 邊肅

劉式 魏廷式 盧之翰

劉保勳字脩業河南人五代時處讓之子少好騎射後唐清泰
中攝潞州左司馬隨署彰德軍衙內都校父卒補供奉官習刑
名之學頗工詩桑維翰奇之擢太常丞歷漢為祕書丞周廣順

弘簡錄

卷一百六十一

庶官宋六

初以詳練法律薦兼大理正遷工部員外郎歷掌鄆宋楚三州
鹽麴商稅宋初改戶部母喪起復掌斬口權茶徙雲安監鹽制
置使歲滿獻羨餘百萬開寶初遷司封員外監左藏庫六年知
宋州太平興國初遷祠部郎中通判晉州二年遷為江南西路
轉運使賜錢百萬三年徙兩浙東北路親征晉陽改戶部郎中
為隨軍轉運借侯陟勾當軍前諸事會陝西北路轉運雷德驤
調發沁州軍糧後期又命保勳代之太原平擢知并州逾年入
判大理出知昇州召歸點檢三司開拆司權領鹽鐵事遷兵部
郎中兼判三司勾院八年右諫議大夫知開封坐冤獄免雍熙
二年復起權御史中丞兼勾當差遣院北征知幽州行府事子
利涉以開封兵曹督芻粟隨軍濟巨馬河王師不利保勳馬陷
淖中利涉自後掖出之力不勝人馬相擠壓遂俱死年六十二
贈工部侍郎命恤其後擢孫巨川祕書正字後至比部郎中保
勳性純謹未嘗忤物精於吏事不憚繁劇受君命不辭難接同
僚多得其歡家無餘貲故聞者痛惜之至道三年又錄次孫世
長為正字咸平初妻卒賜錢十萬

劉蟠字士龍渤海人漢乾祐進士解褐益都簿宋初歷安遠軍
河陽節度推官保義軍掌書記性清介能攻苦食淡然事苛刻
好設奇詐以售知人主乾德五年召拜監察御史典染院事太
祖多臨視蟠偵知駕將至輒衣短後衣芒屨持挺督役頃遂不
治遽出迎謁上以為勤事賜錢二十萬命代蘇曉掌京城市征
頗稱幹集太宗生辰命為使開寶七年與殿中丞劉德音同知
淮南諸州轉運事部民販茶者衆蟠獨乘羸馬偽稱商人抵民
家求市民家不疑出與之即擒寘于法太平興國初就遷倉部

員外郎改轉運使歲漕江東米四百萬斛以給京師頗為稱職
秩滿乞留許再任賜金紫改駕部員外八年內艱起復知京城
陸路發運會河決韓村大發丁夫塞之命調給其餉朝議東封
擬拜水陸計度轉運使索湘副之俄歷工刑二部郎中充河北
水陸運使入判本部事籍田畢遷左諫議大夫淳化初兼同考
京朝官差遣卒年七十三賜錢十萬給其喪事子錯初蔭大
理評事咸平二年擢進士嘗獻幸太學頌真宗頗察賞之出示
輔臣名試命直史館累遷至戶部郎中終三司鹽鐵副使
宋璠字寶臣渭南人監察御史鸞子乾德中及第解褐青城簿
辟吳廷祚承興書記擢著作佐郎知綿州太宗改右贊善大夫
峽路運副代還賜緋魚出知秦州有善政就拜監察御史充陝
西轉運使以治績賜錢五十萬再知秦州安集諸戎部內清肅
雍熙初召歸賜金紫授度支判官遷屯田郎中知益州屬歲饑
多盜以方略擒捕招輯盜屏息下詔嘉獎端拱初就拜右諫議
大夫為西川轉運使加左諫議改陝州性清簡歷官三十年未
嘗問家事好寫書常聚至數千卷以貽子孫曰使不忘本也淳
化中移蘇州值三吳饑疫璠病卒年六十一上聞嗟悼錄其子
明遠為浦城簿復登淳化進士為都官員外郎柔遠亦及第垂
遠閣門祇候
袁廓劔州梓潼人舉蜀進士入宋歷雙流西平二簿勾稽漏籍
得民丁萬餘州將薦其勤職遷上蔡令課最擢右贊善大夫御
史府分領推事掌樞貨務性夸誕敢大言好詆訐太祖待以奇
士太宗遷殿中丞出知楚州歸掌京師市征歲中增課數萬緡
賜緋魚資錢五萬命按錢俶納土得以便宜從事藉浙中諸州

軍倉庫之物悉輸京師詔寵異之每公宴必別席而坐復命知
耶拜監察御史通判房州幾察秦王廷美賜白金三百轉殿中
侍御史戶部度支判官與陳恕李惟清專計度芻糧收戶部員
外郎籍田轉本曹郎中判戶部勾院廓強項好爭數典判使等
較曲直於上前上每優容之然以勾稽過密由是簿領擁積為
郡吏所訴詔御史辨問廓謁見宰相趙普自理普而責與侯莫
陳利用交通狀廓驚慙泣下不能對數日出知溫州就遷鴻臚
少卿與同郡袁仁甫不協互有論奏上遣光祿丞牛韶往按廓
以憤死上聞追悼驗仁甫所訴無實特免韶官削仁甫名配隸
商州贈廓右諫議大夫錄其子丘賀為奉禮郎

樊知古字仲師其先長安人曾祖偁濮州司戶參軍祖知諭事
吳為金壇令父潛事李景知漢陽石埭二縣因家池州知古初
名若水應舉不第謀歸朝僞為漁釣往來采石江上以小舟載
繩維南岸疾抵北岸以度江之廣狹開寶三年詣闕上書言江
南可取狀太祖令送學士院試賜及第調舒州軍事推官恐老
母與親屬留者為江南所害詔煜令遣之煜聞命厚給齋裝護
送至境七年召拜右贊善大夫王師倚為鄉導下池州命領州
事州民保險者擊之連拔二砦擒其魁以獻餘潰散獻議造浮
橋先試於石碑口移至采石三日而成不差尺寸事平拜侍御
史乘傳按行江南諸州詢訪利病兼知轉運事奏蠲江南官茶
十分之八征其餘以便商人增市直以惠小民罷鐵錢十當銅
錢一民甚便之太宗即位改今名授庫部員外郎換金紫轉京
西北路轉運加虞部郎中改知邠州移鳳翔入為鹽鐵判官出
領荆湖轉運使雍熙初遷比部郎中會河朔用兵分諸郡為東

西兩路以給漕輓以知古爲東路運使端拱初遷右諫議大夫
移河北西路二年就加措置營田使奏請脩城木五百餘萬牛
革三百萬上曰所請過當恐重困吾民令有司量給官物與之
度支李惟清請發河南十七軍州轉粟以備河北軍儲上恐妨
農不許惟清固請上遣左正言馮拯乘傳與議知古請俟農隙
令民轉餉所言稱旨拜給事中知古性明俊有才力吏幹捷給
措辭辨治累任轉運甚得時譽然嘗以李煜時用兵權宜調斂
知古悉奏爲常額又知古微時辱於豫章洪氏至是以洪氏嘗
掌昇州權酷通鐵錢數百萬責償銅錢以快意時論少之俄爲
戶部使頗以職事不治詔書切責聲名益減素與陳恕親善上
嘗言及計司事有乖違者以爲知古輕佻恕具以告後因奏事
自解上怒恕漏泄兩罷之出知梓州改西川轉運使知古鬱鬱
不得志常稱足疾未嘗按行郡縣蜀中雖號富饒然土狹民稠
耕種不足以給兼并者益規厚利自歸朝後庫藏悉入內府有
司於常賦外更置博買務禁商旅不得私市布帛蜀民重困淳
化中青城民王小波語其衆曰吾疾貧富不均爲汝輩均之乃
聚徒攻陷青城掠彭山殺縣令齊元振褒邑響應是年冬小波
中流矢死衆推其妻弟李順爲帥初黨與纔百人州縣失於備
禦所在蠶起遂至萬餘攻蜀州殺監軍王亮及官吏陷邛州賊
勢益張衆至數萬陷永康軍雙流新津溫江郫縣縱火大掠往
攻成都燒西郭門不利引去陷漢興彭州旋陷成都官吏走東
川知古坐擅離所部制置無狀朝廷特宥之詔復令掌兩川漕
運尋改知均州以愍悻卒年五十二上嗟憫賜其子漢公同學
究出身

張雍德州人姿貌朴魯中丞滕中正夾其異日顯達壽考以女
妻之開寶六年以毛詩中第釋褐東關尉太宗遷至祕書丞開
封推官坐與劉侑勲同免尋復爲御史臺推直官淳化中累遷
戶部使出知梓州就命爲四川轉運使王小波亂雍訓練士卒
得三千餘人募彊勇千餘守城輦綿州金帛以實帑藏命推官
陳世卿書記施謂權鹽謝濤治戎器伐山木爲竿銷鐘磬爲箭
鏑紐布爲索器械悉備賊渠相里貴衆十餘萬附城下雍與監
軍盧斌登堞望之兵皆老弱無鎧甲斌請開北門出擊雍不可
曰賊或許見老弱設伏誘我且城中吏民心未定脫墮姦計非
良策也俄果有卒凭敵樓呼嘯將爲外應雍亟斬以徇賊設梯
衝火車晝夜鼓譟城中大恐雍命發機石碎之火箭雜下賊稍
退復於城西北隅治攻具雍命軍士曰開東門出擊賊賊望見
果伏精甲於城東以待雍乃密縱敢死士百輩出西北焚其攻
具自午達申殆盡賊驚以爲神凶黨數乘城戰皆不利一日北
風晝晦賊乘風縱火急攻北門雍與斌等領兵據門立矢石間
固守不動賊爲之却長圍八十餘日會石知顯來援始潰去遣
謂入奏手詔褒美擢雍給事中餘遷擢有差景德初雍累遷至
兵部侍郎同知審官院車駕朝陵判留司尚書省出知鄧州以
尚書右丞致仕卒年七十雍小心吝嗇蒞事勤恪好爲米鹽苛
察以肅下恃其清幹受知益矯厲以取名譽所至晏犒率皆裁
節公錢聚爲羨餘會集賓佐纔糲食而已在三司置簿籍有按
前急馬前急急中急之日頗爲時論所詰于太冲官殿中丞
陳世卿字光遠南劍人登進士爲衡州推官改梓州世卿素善
射賊薄城時獨當城一面親射中數百人賊爲稍却丁外艱雍

張簡錄
表其有材復出視事就改掌書記還遷祕書郎歷廣州通判加
博士召見賜緋景德初擢福建轉運使規畫南劔安仁等銀場
歲增課羨累遷荆湖北路轉運使屬澧州慈利縣下溪等四州
蠻侵縣境朝命與祇候史方知澧州劉仁霸同討之遂還所侵
地標正經界取其要領納還所掠漢口復置澧州武口等砦以
控制之賜詔嘉獎還朝屢述溪洞利害召對願効煩劇授祕書
少監知廣州加賜金紫至郡奏除計口買鹽之制人多便之卒
年六十四錄子南安主簿儼為太祝

索湘字巨川滄州鹽山人登開寶進士調郿州司理叅軍受詔
鞫齊州大獄連逮千五百人事隨以白太平興國四年和峴薦
其能累遷監察御史命與戶部推官元玘按行河決民田改河
北運副經度供餽以能幹聞加屯田員外郎會君子館敗契丹
乘勝據中渡橋塞土門將趨鎮州諸將計議未定湘為田重進
畫謀結大陣東行聲言會高陽關敵果擁衆邀于平鹵城我師
乘夜而南入鎮陽據唐河乘其無備破砦柵敵兵遁走雍熙中
召為鹽鐵判官改駕部員外端拱二年陞虞部郎中河北轉運
使有訟其擅易運絲自用者責授膳部員外知相州會羣盜白
晝抄劫湘擇精銳三百掩擊盡擒之運使王嗣宗狀聞詔復舊
官為河東轉運使遷忻州推官石宗道憲州錄事胡則為幹職
自隨所至州郡勾檢其簿領明年大將王超等率師趨烏白池
抵無定河水源涸絕軍士渴乏湘命輦大鍬千枝隨令鑿井衆
賴以濟真宗卽位入為右諫議大夫復充河北轉運使奏罷郡
民歲釀并靜戎威武二軍鬻茶及北砦山麓銀冶德州舊賦民
馬給驛又役民為步遞湘至悉代以官馬兵卒人皆便之疏言

榷場易雜姦僞恐啓邊釁又新樂蒲陰兩縣地窄非屯兵之所
皆奏罷之湘長於吏事所歷邊郡必廣儲畜爲備豫計出入軍
旅頗著能名建議茶茗與蕃夸互市道遠多損許商賈緣江載
詣邊郡旣免道途之耗復有征算之益咸平二年入爲戶部使
受計詳定三司編敕坐與王扶交相請托擅易版籍責授將作
少監後復知廣州卒其子希顏護喪歸葬

袁逢吉字延之鄆陵人曾祖儀仕唐以軍功至黃州刺史祖光
甫尉氏令父蟾大理評事逢吉四歲能誦爾雅孝經七歲兼通
論語尚書周太祖召試賞其精習賜束帛開寶八年擢三傳第
釋褐清江尉知州王明薦其能就除豐城令運使張去華條上
治狀名爲春秋博士淳化中累遷至水部郎中呂蒙正薦其經
可宜任學官會蜀叛授西川轉運使至道初徙荆湖北路憚遠
不赴罷知夔州川陝採訪使上其治迹與朱協李虛已薛顏邵
曄查道劉檢同賜褒諭祥符中歷官鴻臚少卿卒年六十九逢
吉性脩謹練達時務鄆州牧馬草地侵民田數百頃牒訴連不
決命逢吉按視至則悉還所侵田民咸德之兄及甫歷京東峽
路轉運使至駕部郎中子成務比部員外郎京東轉運副使從
子楚材至虞部員外郎

姚坦字明白曹州濟陰人開寶中擢第調將陵尉歷知潯州太
平興國初召還爲著作佐郎諸王出閣選爲皇子翊善賜緋魚
歷轉考功郎中仍爲益王府翊善垣性強固王嘗爲假山旣成
召賓僚樂飲坦獨俛首王強使視云但見血山耳安得假山王
驚問故對曰此山皆民租所爲每見州縣催科捕入父子兄弟
鞭笞流血被體非血山而何時大內亦爲假山聞而毀之王好

佚豫坦每暴揚其事上諭曰元傑知書好學亦足爲賢王少不
中節須婉辭規諷頃之左右教王稱疾不朝太宗召乳母問狀
答曰王本無疾徒以姚坦檢束居常不得自便故成疾耳上怒
曰吾選端士輔王爲善王不能用而詐稱疾病此必爾輩爲之
謀耳因命粹至後苑杖之召坦慰曰卿居王宮能以正道爲羣
小所疾大爲不易卿勿慮讒間朕必不聽王薨改衛尉少卿判
吏部南曹真宗卽位以其賣直取名不得大用景德初求補郡
知鄧州運使表其治狀詔嘉獎之祥符初復知光州卒年七十
五

魏羽字垂天婺源人自少屬文李煜召置弘文館時建當塗爲
雄遠軍以羽爲判官王師渡江以城降擢太子中舍仍舊職金
陵平知興州太平興國初知棗州改京兆麻六年詔詣瀛州覆
軍市租得隱漏數萬計因言有司調遷失平疏遠何由上達本
州錄事參軍郭震十年未代河間令崔能前任卽墨未滿歲遷
秩請罪典司以肅欺弊賜詔褒諭遷太常博士歷官戶部郎中
疏言三司職官頗衆願省其半可以責成仍條列利病二十事
詔下有司詳議皆以爲便改鹽鐵判官時北邊多警朝議耕戰
之術拜羽河北東路營田副使改兩浙轉運使淳化初遷爲慶
支鹽鐵使先是三司簿領繁積吏緣爲姦雖嘗更立所制未爲
適中羽請依倣唐制分天下郡縣爲十道兩京爲左右計各置
判官領之以羽爲左計使董儼爲右計使中分諸道以隸焉未
久復以非便罷守本官出知滑州真宗累遷權知開封車駕北
巡判密司三司再爲戶部度支以疾解職五年五十八羽強力
有吏幹小心謹事出入計司凡十八年習知金穀之事然頗傷

頗急不達大體太宗亦言其有心計但無執守與物推移耳歷
劇職始踰四十鬚髮盡白子璿字用之奏補校書郎知開封
倉曹參軍持法精審明吏事上元起燈山宦者挾勢誅索璿密
以聞詔杖遣之以大理寺丞知衡山縣歷官提點廣南西路刑
獄邕州獠戶婦女緣逋負沒為傭者千餘璿悉奏還之就除轉
運使獨劉銀時雷化欽高州計口稅減柳州無名役四百名為
度支判官徙梓州路轉運累遷太常少卿知廣州疏東北城門
鑿東西澳為水閘時其啓閉拜右諫議大夫坐送貢餘椰子煎
餉京師降知鄂州復陝西河北運使以給事中知開封政事嚴
明吏民憚之俄因內東門闕得賂遺物付府窮治獄未上內降
釋罪璿不行執奏諫官吳奎論劾降知越州蠻寇發獨廣州城
堅不能下論功遷工部侍郎集賢院學士兼廣東經略安撫使
召還糾察在京刑獄進龍圖閣直學士知荆南五溪蠻彭士義
叛條上三策以招徠為上守禦為下攻取為失卒如所議徙源
滑鄧三州以吏部侍郎致仕卒璿居官所至整辦與人置對未
嘗屈然專任機數不稱循吏弟璵字子浩以恩授祕書正字
為吏強敏名齊于璿累官司農卿知福州徙廣州以疾告知江
寧晚昏耗奏劾召判刑部進衛尉卿卒

王子輿字希孟莒人曾祖甲以義勇為鄉人所推唐末淄青徐
奔皆南結吳人以拒梁梁得三鎮吳人北侵益急沂密尤被其
害州民聚為八砦以扞寇遂署甲為八砦都指揮使祖徽襲父
職晉末賊帥趙重進掠高密徽戰沒父璵復嗣其職周世宗平
淮陽始去兵即農厚自封殖命子輿業文辭登太平興國進士
解褐北海簿歷大理評事使西蜀決獄還累遷太常博士真宗

遷殿中侍御史因對與三司論列利害推子興為長轉慶友員
 外郎每事上計司移報稽滯求兼省職因命為鹽鐵判官仍領
 制置歲課五十餘萬咸平三年充淮南轉運子興精於吏事周
 知利害裁量經制公私便之所至郡縣以公事申請者文牒紛
 委頃刻待報皆決遣略無凝滯明年召拜右諫議大夫戶部使
 方奏事疾作仆地掖出至第卒

鄭文寶字仲賢襄城人南唐右千牛衛大將軍彥華之子以蔭
 授奉禮校書二郎煜歸朝不忘舊恩欲一見衛者難之乃被策
 笠冒為漁者以見煜以為忠後補廣文館生受知李昉登太平
 興國進士除脩武簿再遷光祿丞獻文召試改著作任郎通判
 穎州外艱起知州事拜殿中丞使川陝均稅次渝涪聞夔州廣
 武卒謀亂以計平之遷陝西運副許便宜從事歲凶誘豪民出

聚諸民八萬餘日會秦隴賊趙勉聚徒數千將趨蜀聞
 順文寶移書蜀郡分兵討襲獲焉前後自環慶部糧越旱
 靈武者十二次疏蓬蓄情習其語言經由部落每宿會長帳中
 往往以父呼之遷太常博士內待方保吉誣與陳堯叟交游故
 賜其弟堯佐驛召置對文寶上書自明太宗察其誣坐保吉罪
 厚賜文寶而遣之俄加工部員外郎有龍猛卒戍環慶七年不
 得放思歸謀亂文寶矯詔以庫金給將士自劾請償詔免之建
 議禁販青白鹽許商人轉安邑解鹽於陝西官獲其利而諸羌
 益因行之數月戎人乏食相率寇邊內屬萬餘帳亦叛上遣錢
 若水馳傳往視悉除其禁名諸族撫諭乃定朝議城古威州遣
 內侍馮從順來訪文寶言城之便但環州至伯漁伯漁抵青岡
 青岡拒清遠皆兩舍而清遠當羣山之口扼塞門之要芻車野

宿行旅頓絕。威州隔城東隅。堅石盤互。舊乏井脈。請先建伯漁。青岡清遠三城。為頓師歸重之地。俟二年間。秦民息肩。營田積粟。邊儲充實。脩五原故城。專三池鹽利。以金帛啖當項酋豪子弟。使為朝廷用。不惟安朔方。制豎子。至於經營安西。緩復河湟。此其漸也。詔從其議。復以金帛誘蕃酋。鬼羅鬼悉俄留其質子。與手書要約。許為刺史。令陰圖繼遷。而鬼羅等反告繼遷。繼遷上表請罪。上怒。文寶猶含容之。既而文寶復請禁鹽邊民。曰。法抵罪者。眾席義。叟決獄。陝西廉得其狀。以語中丞李昌齡。昌齡以聞。文寶又擅減解鹽價。三司奏歲虧課二十萬。下御史臺鞠問。具伏。詔書切責。貶藍山令。移枝江。真宗徙京山。咸平中。召遷授殿中丞。掌荆南權貨務。會慶州發卒護芻糧。請靈州文寶。其必敗。未幾果為繼遷所襲。遷名文寶。計因獻河西隴。

叙其地利本末。且言靈州可棄。狀時方遣大將王超援靈州。復文寶工部員外郎。隨軍轉運。甫至環。或言靈州已陷。文寶乃易服單騎間道抵清遠。盡得其寶。遂奏班師。就除本路轉運。上疏請再葺清遠軍。王漢忠以為生事。遂徙河東。又上言乞徙置管內。廣銳兵萬餘於近南諸州。就糧宰相李沆等言其非便。上命錢若水詳議。若水所對與沆同。乃罷之。先是麟府屯兵。悉仰河東輸餽。河澗裁數十步。而往來阻隔。土人利於艱。至則芻粟增價。乃詔文寶於府州定羗軍經度。置浮橋。人以為便。繼遷圍麟州。令乘傳晨夜赴之。圍解。遷刑部員外郎。賜金紫。頃之。文寶準薦其熟於西事。可備驅策。復任陝西轉運。復有言其張皇者。又代以朱台符景德初契丹來犯。仍徙河東安輯所部募鄉兵。張邊備。領蕃漢兵赴河北。手詔褒諭。未幾復涖京西陳和議。經

久之策上嘉之三年召選遇疾祥符初卒年六十一文寶好談方略以功名為已在久在西邊參預兵計心有餘而識不足又不護細行所延薦雖多未嘗慎擇晚年病發以其子鄆州推官於陵為大理寺丞移知襄城以便養文寶多撓縣政然能為詩善篆書工鼓琴有集二十卷撰談苑二十卷江表志三卷董儼字望之洛陽人太平興國進士解褐大理評事歷遷淮南西路運副就命知光州儼狂躁務進不樂外郡上書乞還京師太宗大怒削館職徙知忠州俄復官與王繼昇同領水陸發運使轉刑部員外郎端拱初進郎中三司度支副使坐罪馬周事責壽州團練副使移知泰州踰年改知泉州召為京東轉運使歷知江陵府景德中入朝命議決興封滯囚俄判吏部銓以工部侍郎出知青州儼其姻家御史王濟言於西川轉運黃觀

薦已知益州不遂與都監趙贊密奏觀嗜酒廢職觀具述求薦反覆狀責授山東南道行軍司馬會赦起知郢州病疽卒年五十四儼俊辨有材然不學無操行所至以賄聞又廣畜姬媵頗事豪侈用傾狡圖位終以是敗士夫醜之東封恩復其官子仲容仲宗並為太子中舍兄偉至殿中丞何蒙字叔昭洪州人少精春秋左氏傳李煜時獻書言事署錄事參軍入宋授洺州推官太平興國五年調遂寧令太宗征契丹還作詩以獻召見授右贊善大夫三遷水部員外郎通判廬州郡中火燔廡舍榷務俱盡蒙假民器貸鄰郡麩米為酒既而課增倍部使上其狀詔資緡錢獎之稍遷司門巡撫使潘慎修薦其材敏驛召至京訪以江淮茶法蒙條奏利害稱旨賜緋魚及錢十萬後二日復對又上淮南酒榷便宜特改庫部郎中因

命至淮右提總其事歲有羨利使還留提舉在京諸司庫務求
外知溫州坐舉人不當削一官真宗召復前資請開淮南鹽禁
時卞袞楊允恭以禁鹽爲便共排抑之出知梧州改水部郎中
上所著兵機要類十卷歷官至光祿少卿致仕卒年七十七
慎知禮衢信安人父溫其有詞學仕錢俶終元帥府判官知禮
幼好學年十八獻書署校書郎爲掌書記宋初從俶子惟濟入
覲歸署營田副使入朝授鴻臚卿歷知陳州興元府母年八十
餘居宛丘懇求歸養退處十年縉紳稱其孝及服除表請納祿
至道三年以工部侍郎致仕自幼至白首歲讀五經周而後止
每開卷必正衣冠危坐未嘗少懈咸平初卒年七十七子從
吉字慶之俶之婿爲元帥府長史歸宋歷將作少監改太子右
庶子真宗升儲換衛尉少卿卽位遷詹事頗以文酒自娛士夫
多與之游景德初判刑部留意法律天下所奏成案率多糾駁
取所積犯人告身鬻之以市什器祥符初改衛尉卿糾察在京
刑獄拜右諫議大夫判吏部銓選人舊試多籍地而坐從吉爲
市筦席給之改給事中臨事敏速勤心公家所至務噉察嘗請
對陳事上多其無隱八年權知開封請屬一無所受適豪民張
斌妻盧氏與姪質交訟被搆削職天禧中復起以光祿卿致仕
卒年七十喜爲詩時有警語兼工醫術子孫登第入仕甚衆紆
朱紫者數人家富於財精治生又善爲饌具分遺權要晚年進
趨彌篤以至于敗物論鄙之子鏞金部度支員外郎秘閣校理
錯太常博士

張佶初名志言字仲雅本燕人徙渭南父昉有史材歷知雜御
史省郎至殿中少監佶少有志節蔭補殿前承旨以習儒獻文

求試換國子監丞遷著作佐郎監三白渠知涇陽縣端拱初爲
右贊善大夫命按曹州民被誣殺人者發擿姦伏民寃得雪至
道中通判陝州部送芻糧赴靈武就改國子博士咸平初爲陝
西運副賜緋魚至延安遇夏人入寇親督兵擊敗之三年徙西
川運副討王均餽餉有勞遷虞部員外郎賊平分川陝爲四路
授利州路轉運使有薦其武幹者召遷授如京使歷涇原麟府
鈐轄兼知鎮戎軍率兵與夏人戰親射殺酋帥俘獲甚衆餘黨
遁去詔書褒獎賜錦袍金帶景德中徙益州鈐轄領宜州刺史
遷文思使御軍撫民頗有威惠蜀人懷之祀汾陰以爲西京舊
城巡檢禮成加北作坊使充趙德明官告使以薦知秦州置四
門砦開拓疆境事具吐蕃傳時朝廷方務寧邊以信輕信易事
邊境數擾徙邠寧路鈐轄天禧初召爲契丹國信副使再遷西
上閣門使涇原鈐轄卒年六十九 張獵書史好吟詠勇敢善
射有方略其總戎護塞以威名自任子宗象兵部員外郎直史
館至慶支判官

則則字子正永康人登進士補許田尉調憲州錄事參軍時命
李繼隆討靈夏轉運索湘命則部送芻糧計足支一月則言爲
百日備尚恐不支奈何僅一月耶湘懼無以給遣則入奏太宗
因問邊策對稱旨命中書記其姓名頃之繼隆移文言兵且深
入糧可繼否則謂彼師老將歸欲以糧乏爲辭耳始以有餘報
之湘從之後其言果效改著作佐郎吳州觀察判官再遷提舉
江南路銀銅場鑄錢監得吏所匿銅數萬斤籍爲羨餘不之罪
改江淮制置發運使遷戶部員外郎真宗幸亳還擢三司度支
副使與丁謂厚驟得進用謂罷出爲京西轉運使坐部內訛言

相驚徙廣西按宜州重辟十九人活者九人累遷太常少卿乾
寧初復坐謂黨降知信州徙福州以右諫議大夫知杭州人權
夷部流內銓坐失舉又責池州未行復改知承典軍徙河北都
轉運使以給事中權三司使通京東西陝西鹽法入甚便之俄
坐假御史王沿官舟販鹽其子又祈買酒場為張宗誨所發出
知陳州劉隨言其奸貪復徙杭州再遷兵部侍郎致生卒則果
敢負材喜交結尚風義謂既賓客皆散則間遣人至其下饋問
如平日在福州有前守陳絳所延客龍昌期為人講易得錢絳
獲罪併械昌期至即破械館以賓禮出俸錢為償所費昌期
蜀人嘗註易詩書論部孝經陰符經老子凡百餘卷薦補四門
助教文彥博守成都召置府學改校書郎以殿中丞致仕嘉祐
中年八十餘詔取其書昌期野服自詣京師賜緋魚并絹百匹
劉敬言其異端害道其說詭誕穿鑿至詆斥周公不當推獎
所賜罷歸卒

張秉字孟節新安人父諤字昌言南唐祕書丞通判鄂州與州
將許昌裔歸欵太祖召見勞賜良厚授右贊善大夫蜀平遷知
蜀州太平興國中除西川運副建議土人罕習舟楫因置戒權
軍分隸管勾自是漕運無覆舟之患後終荆湖江浙制置茶鹽
副使秉儀狀豐麗屬詞敏速善書翰太宗喜之擢真州科解褐
將作監丞通判宣州遷監察御史為趙普所器妻以弟之女薦
知鄭州還直昭文館遷右司諫命副趙昌言制置茶鹽入為右
計司河南西道判官累遷工兵二部郎中真宗時判昭文館為
左諫議大夫連知穎襄二州徙鳳翔母老貧寡詔給裝錢改
江陵母憂起復知河南景德初換河陽瀘州駕當巡幸又徙滑

州迎謁韋城俾預從官待食遣與齊州馬應昌濮州張晟往來
河上部丁夫鑿凌以防契丹南渡召歸拜工部侍郎知審官院
歷通進銀臺封駁司糾察在京刑獄與周起同試東封路舉人
出知永興軍祀汾陰為東京留守判官轉禮部侍郎加樞密直
學士知并州御製五言詩賜之徙相州暴疾卒生平無顯赫譽
臨事少斷好諧戲脩飾衣服潔饌具每公宴或朋友會集自挈
肴膳而往家貧常質衣以給

黃震字伯起浦城人登進士累遷著作佐郎通判遂州時有詔
給軍士錢東川獨未及軍上欲為變震自主者曰朝廷豈忘東
川耶始詔書稽留爾主者以為然即開州帑給錢如西川衆乃
定未幾詔果至震歷遷江淮發運使以論李溥與交訟奪一官
罷長丁謂權不敢自直謂貶復起知州徙廣東轉運奏罷廣

南歲進異花道路便之卒詔進其官等

邊肅字安國應天府楚丘人登進士除大理評事知於潛縣改
太常博士魏羽薦為戶部判官祠南郊超薦度支員外郎至道
初太宗以三司鈎取無法置行帳司以會財用之數命肅主之
帳成遷工部郎中真宗幸大名經度行在糧草改判開拆司出
知曹州徙邢州先是州屢地震城堞摧圮會契丹大入鎮魏深
趙磁洛六州閉壁不出帝密詔肅若州不可守聽便宜南保肅
匿詔不發督丁壯乘城大闢諸門率所部兵嚴陣以待老幼趨
城者開門納之契丹莫測居三日引去擢樞密直學士徙宣州
車駕朝陵徙河南還勾當三班院出知天雄軍徙真定累遷給
事中與代者王嗣宗有隙諷通判東方慶訟肅貶岳州團練副
使久之徙武昌安遠泰寧三軍節度副使連知光泗泰三州卒

子調終兵部員外郎福建轉運使

劉式字叔達袁州人李煜時舉三傳歸宋遷大理丞贊善大夫
通州豐利監端拱中翔三年磨勘法命式主之賜緋又建議置
主轄支收司以謹財賦出納遷祕書丞與陳靖使高麗至道中
併三勾院爲一仍命式領之轉工部員外郎賜金紫式深究簿
領之弊奏免舊日江淮間橫賦逋積至多人以爲便然多所條
奏檢校過峻爲下吏所訟免官卒真宗追錄前効賜其子立本
學究出身次子立之後爲國子博士立德立禮並進士及第立
禮殿中丞

魏廷式字君憲大名宗城人少明法律監軍魏咸美以同宗延
置館舍善待之中太平興國進士授朗州法曹掾運使李惟清
奏其有吏材擢知桃源縣遷將作監丞改著作佐郎通判潁州
淳化二年始命李昌齡判審刑院以廷式明練刑章奏爲詳
官屢進對太宗悅其明辨遷太子左贊善大夫時初較廷臣殿
最命與承旨趙鎔李著同勾當三班院多所規制越王生日令
持禮物賜之超拜主客員外郎尋出知利州討李順就命充陝
益二路運使入奏事不時召對問方略稱旨賜錢五十萬賊平
入判大理寺至道初乘傳河朔決獄復出知宋潭二州湖南地
士沃衍民喜訟產巧僞難辨至則立裁之吏民咸服轉吏部員
外郎知桂州真宗改工刑二部郎中會王繼恩有罪下吏命同
按之踰宿而獄具俄知審官院通進銀臺封駁司拜右諫議大
夫知審刑院出知涇州卒年四十九錄其子舜卿太祝禹卿同
學究出身廷式所至以嚴明稱剛果敢言上頗厚遇之然性頗
險喜中傷人君子憚其口而鄙其行

盧之翰字維周祿州人曾祖玄暉鴻臚卿祖知誨天雄軍掌書
記父寵蔡州防禦判官之翰少篤學家貧客遊館于單州防禦
使劉乙登第授大理評事知臨安三遷殿中丞通判洛州募城
中丁壯決漳御河以固城壁契丹入不能犯吏民詣闕借留名
還遷太常博士歷河東京西轉運副使建議導淇河合于淮達
許以便漕運累遷吏部員外郎討李順兼西川安撫轉運使坐
薦大理丞李憲犯賊抵死又心知副使鄭文寶禁蕃商貨鹽非
便不為勸止左授國子博士領使如故尋復職浦洛河之敗詔
分三道護送之翰違詔擅併為一大失輜重詔博士王用和乘
傳逮捕繫獄除名貶許州司馬明年起為工部員外同勾當陝
西轉運真宗復吏部以久次召拜禮部郎中賜金紫復遣之在
咸平初有疾代還未幾復為京西運使朝議城故原州以張守
備之翰沮罷之其後西鄙不寧詔葺為鎮戎軍黜之翰知歸州
三年授廣南西路轉運就改太常少卿知廣州無廉稱與運使
凌策不協陰發其事徙知永州卒年五十七

